

四庫全書

史部

欽定四庫全書

史部

福建通志卷七十七

詳校官監察御史_臣陳化龍

檢討_臣德生覆勘

總校官檢討_臣何思鈞

校對官中書_臣高中

謄錄監生_臣鍾廷瑛

欽定四庫全書

福建通志卷七十七

藝文十

詩五言律

唐高適送鄭侍御

謫去君無恨閩中我舊過大都秋雁少只是夜猿多東路雲山合南天瘴

鷹和自當逢雨露行矣慎風波

薛令之太姥山

揚靈窮海島選勝訪神仙蹤常往還東甌冥漠外南越渺

茫間為問容成子刀圭乞駐顏

歐陽詹舟中對月寄姜相

皎潔臨孤島
嬋娟入夜流
中宵天色淨
片月出滄洲

應同故園夜
獨起異鄉愁
那得休蓬轉
從君上庾樓

皇甫冉送韋判官

孤棹閩中客
雙旌海上軍
路人從北少
嶺水向南分
野鶴驚秋別
林

猿忌夜聞漢家崇
亞相知爾遠邀勲

送蔣評事往福州

江上春常早
閩中客去稀
登山怨迢遞
臨水惜芳菲
烟樹何時盡
風

帆幾日歸還看復
命處盛府有光輝

包何送李使君赴泉州

傍海皆荒服
分符重漢臣
雲山百越路
市井十洲人
執玉

來朝遠還珠入貢
頻連年不見雪到處即行春

張籍送閨僧

幾夏京城住今朝獨遠歸修行四分律
護淨七條衣溪寺黃橙熟沙田紫芋肥

九龍潭上路
同去客應稀

項斯送歐陽袞歸閩中

秦城幾年住猶著故鄉衣失
意時相識成名後獨歸海秋

蠻樹黑嶺夜瘴禽飛為
學心難滿知君更掩扉

秦系自若耶溪移居南安贈嚴維秘書

鷄犬漁舟裏
長謠任興行

那邀落日醉已被遠山迎書笈將非重
荷衣著甚輕謝公無箇事忽起為蒼生

九日山中閒居

一似桃源隱將令過客迷礙冠門柳
長驚夢院鶯啼澆藥泉流細圍碁日

影低舉頭無外
事共愛草萋萋

山居晚秋答朱拾遺見訪

不逐時人後終年獨掩關
家中貧自樂石上卧嘗閒

墜栗添新味殘花帶老顏
侍臣當獻納那得對空山

歐陽哀神光寺

香刹懸青磴飛樓界碧空
石門棲怖
鵲慈塔繞歸鴻有法將心鏡無名屬

性通從來樂幽
寂尋覓未能窮

林寬送李員外頻之建州

句踐江頭月客星臺畔松
為郎久不見出守暫相逢

鳥泊牽灘索花空押號鐘
遠人思化切休上武夷峰

送人宰浦城

東南猶阻寇梨嶺更誰登
作宰應無俸
歸船必有僧灘平眠獺石燒斷飲猿藤

歲盡校殊最
方當見異能

李頻之任建安淶溪亭二首

入境當春務農蠶事正
殷逢溪難飲馬度嶺更

勞人想取烝黎泰無過賦斂均不知成政後誰是得
為鄰維舟淶溪岸繞郡白雲峯將幕連山起人家
向水重短才無獨見長策未相
逢所幸分堯理烝民悉可封

許稷九鯉湖

道是燒丹地依然雲水居山空人去後
夢醒客來初溪雨飛沙霽巖門隱霧虛

高歌對明月
松影落扶疎

僧皎然送沈秀才

越客不成歌春風起綠波嶺重寒
不到海近瘴偏多野戍枕榔發人

家翡翠過翻疑此
中好君問定如何

僧法振送客

不須行借問為爾話閩中海島春冬雨
江帆來去風道由元度宅身寄朗陵公

縱別何傷遠
於今關塞通

李洞送福州從事
嶺前高鳥飛
雨過荔枝肥
南斗看
應近北人來
甚稀
湖浮廉使宴
珠

照島僧歸幕下聞
遷拜何官著茜衣

鄭良士臺山僧舍
到此溪亭上
浮生始覺非
野僧還
惜別遊客亦忘歸
月滿千巖靜
風

輕一磬微何時脫
塵役杖履願相依

黃滔囊山
山有重囊勢
門開兩徑斜
溪聲寒走澗
海
色月留沙
巷外曾遊虎
堂中舊雨花
不知

遺識地一
落誰家

周朴東禪寺
甌閩此郊外
師院號東禪
物得居來正
人經論後賢
爬槽柳塞馬
蓋地月支綖

鸛鶴高巢頂
惟堪舉世傳

王霸壇

王君上昇處信宿故居前
皂莢即須朽白龜應亦全
雲間猶一日塵裏已千年
碧色壇如

黛時人
誰可仙

玉泉寺

野寺經殘夏空房欲暮時
夜猿聽不睡秋思客先知
竹迴烟生薄山高月上遲
欲辭塵路

去難與
老僧期

陳乘九鯉湖

汗漫乘春至林巒霧雨生
洞莓黏屐重巖雪濺衣輕
窰宅分三島烟霞接五城

却憐饒藥物
欲辨不知名

陳去疾送林刺史簡言之漳州

江樹欲含曛清歌一
送君征驂辭荔浦別

袂暗松雲路狹橫河渡山深墜
葉聞明朝宿何處未忍醉中分

陳翊登城樓

井邑白雲間巖城遠帶山沙墟陰欲暮
郊色淡方閒孤徑迴榕岸層巒破枳關

寥寥分遠望
暫得一開顏

王穀送友歸閩

東南歸思切把酒且留連再會知何
處相看共黯然猿啼梨嶺路月白建

溪船莫戀家鄉
住酬身在少年

宋錢昱昇山

松杉滿寺廊闌檻倚高岡郡郭曉雲淡禪
齋春草長澗青連竹色山靜帶茶香更有

名僧在茅
菴住上方

涵虛沼留題

景致逼神仙心幽道亦元僧閒來出世
松老不知年放馬眠巖草移盃酌澗泉

浮名如脫得
終老此雲邊

楊億武夷山

靈岳標真牒孤峯入紫氛
藤蘿暗仙穴黃鳥駭人羣
磴道千年在懸流萬壑分

漢壇秋蘚駸
曾祀武夷君

昇山寺

層巒連近郭占勝有招提
宿霧昏金像飛泉濺石梯
鐘聲空谷答塔影亂雲齊
千騎時來

此幽尋
獨杖藜

王達上巳遊東禪

紫陌破清晨雕鞍映畫輪
因脩洛陽禊重憶永和春
錦繡荀香度樓

臺梵宇新忙中得
閒暇來見解空人

闕希枕流軒

山出太虛外溪流千古高
入窓喧客枕洗鉢濺僧袍
夜月氣猶凜秋風聲更豪

二年遊賞劇
欲別首頻搔

蔡襄寒食日開州園二首

風物朝來好園林雨後清
魚遊知水樂蝶戲見春晴

草軟迷行跡花深隱笑聲
觀民聊自適不用管絃迎
節後近清明遊人已踏青
插花穿戲戶酤酒似旗

亭日向林光潤風回海氣腥
未知何處樂歸路已嚴扃

龍龕山靈峯院

天柱支南極蓬山壓巨鼇
雲崩石道險潮落海門高
客館聞鼉鼓秋風憶

蟹螯平欄望鄉
樹千里楚江臯

鄭伯玉濯纓亭

寒目一觀眺四天雲色稀
水風迎棹起沙鷺背人飛
玉縷鱸新膾金膏蟹

正肥斜陽促歸
去那得戀漁磯

許將積善院

為愛山居樂山居倍憶家菊黃來日蕊梅白舊時花水闊離情劇霜晴別路賒

前林回首望空指暮天霞

積善院中秋玩月

爽氣來天末清光滿域中共憐今夕魄不與昨宵同漏永泠泠露庭

虛瑟瑟風玉毫高下影如在廣寒宮

蘇舜元釣鼇石

未窮雙佛剎先到一漁家山雨已殘葉溪風猶落花汲泉沙脈動敲火石

痕斜應是任公子竹間曾煮茶

林廣發丹霞山

翹首城南上悠然見此山竹藏秋雨暗松度晚風寒佳氣催黃菊晴光上

翠巒倦飛何處鳥日暮不知還

康鼎成鯉湖懷古

久學秦人避空聞漢主求丹壚無
鳳髓石室有龍湫谷挾千峯雨湖

生六月秋塵蹤應
自息長嘯下溪鷗

劉宗順題僧宗已居

院幽菴更小嘉遯稱名存展榻
殊無地看山別有門潮來供菜

圃雲過隔城村了畢
如來藏任他風動幡

陳正獻題脩史堂

流水三間屋明公半席分帝嘗招
此老天未喪斯文人去留青竹山

空鎖白雲升堂時
想像金石恍然聞

李公晦樵川江行

避人忘井邑耽靜步郊原落葉風
能掃寒花霜更繁山空樵響答灘

淺楫聲喧願結山
陽伴長年共灌園

劉子翬金斗源瀑布

路窮巖瀑掛，爽氣淨塵氛。留險時依壁，源高半隔雲。入池驚練

盡，觸石聽雷分。接勝多幽侶，筇聲破蘚紋。

訪胡籍溪宅

寂寂臨湖屋，湖風為掩門。鳥聲幽谷樹，山影夕陽村。好事長留客，雖貧亦置尊。

平生枯淡意，去此與誰論。

思賢堂懷薛令

創始人何在，空堂草棘侵。衝門狐竄急，空柱蠹藏深。雨化王喬舄，庭荒子

賤琴獨嗟民困，甚誰繼昔賢心。

黃棠榴花洞

蓮社是非外，洞天空色中。一枝樵客夢，兩腋石門風。鹿徑蹤何在，榴花信可通。

此緣當邂逅，來接紫元翁。

吳棫雲際院蘇老亭

蘇老行諸郡多為灑落遊靜心
山共止動意水俱流赴社呼陶

令繙經約謝侯高風
誰復記明月上西樓

朱松丹溪道中

日出露芒重涼生風葉翻秋杭已照
眼社酒欲盈尊牛下草萊濕人歸園

屋脊箇中人
不識擾擾與誰論

朱熹南安道中

曉澗淙流急秋山寒氣深高蟬多遠
韻茂樹有餘陰烟火居民少荒村草

露侵悠悠禾稼
晚寥落歲寒心

和林擇之鳳凰山韻

木落髻鬟擁湖平粧鏡空荒亡
餘舊事慘澹只悲風興發千山

裏詩成一笑中諸君
莫惆悵吾道固當窮

小集梵天寺雨作復霽步至東橋玩月二首

林傑閣翔
林杪披

襟此日間層雲生薄晚涼雨遍空山地迴衣裳冷天
高澄霽還出門迷所適月色滿林闕空山看雨罷

微步喜新涼月出澄餘景川明發素光星河方
耿耿雲樹轉蒼蒼晤語逢清夜茲懷殊未央

梵天寺聽雨

持身乏苦節寸祿久棲遲暫寄靈山寺
空吟招隱詩讀書清磬外看雨暮鐘時

漸喜涼秋近
滄洲去有期

挽延平李先生三首

河洛傳心後毫釐復易差淫辭
方眩俗夫子獨名家本本初無

二堂堂自不邪誰知經濟業零落舊烟霞聞道無
餘事窮居不計年簞瓢渾漫與風月自悠然灑落濂
溪句從容洛社篇平生行樂地今日但新阡歧路
分南北師門數仞高一言資善誘十載笑徒勞斬板

今來此懷經痛所遭有
疑無與析揮淚首頻搔

梅嶺

去路霜威勁歸程雪意深
往還無幾日景物變
千林曉磴初移屐寒雲欲滿襟
玉梅疎半落猶

足慰
幽尋

傳文載酒襍被見過九日山泛舟弄月

扁舟轉空闊
烟水浩將平

月色中流滿秋聲兩岸生
孟寬同醉極
嘯罷獨魂驚歸去空山黑
西南河漢傾

王十朋入長溪

老矣倦遊宦入閩知山川
三山疑隔海九嶷類鑽天
插稻到山頂栽松侵

日邊長溪水無
限前更有清泉

林亦之網山亭二首

風濤生長處土地屬東隅
樹樹懸漁網村村叫鷓鴣
酒旗孤嶼

見書卷一山無欲趁鷄豚社深慙身業儒屋舍高
低住比鄰活計同客簪嫌月白螳螂要霜紅吠犬隨
村落賣魚成老翁地鹹
耕種少海熟抵年豐

上官惜小殊山二首

殊岫參差外孤亭晦靄間氣深
秋色早地迴夕陽閒畫筆無真

史粧眉只半灣佳名從此遠喚作小殊山雙岫西
南聳東山小更殊形分闕嶺秀名自隱公呼日映光
濃淡雲深色有無須憑
怨先手畫作遠峯圖

趙時煥九日山送客

頻來因送客攜酒訪仙靈歸去
成何事重來愧此亭天寬野水

白松潤石巖青倚杖
思今古寒鴉送遠汀

趙宗皦九日山送客

蒼松藏野寺山以隱君靈俛仰
千年事孤高九日亭抗塵頭漸

白帛古眼猶青有客
耽幽討吟詩愧鶴汀

黃本仁七臺山

登陟最高頂四圍山盡低星辰可手
摘杉檜與天齊只覺風生腋恍如雲

作梯何當謝塵
事來此共幽棲

錢熙九日山偶成

漁家深處住鷗鷺泊柴扉雨過山
迷徑潮來風滿衣岸幽分遠景波

冷漾清暉却憶曾
遊賞嚴陵有舊磯

楊志鼓樓懷古

興廢何年事無由問老成化為甕
地留得鼓樓名石塔添潮影銅壺斷

漏聲我來空弔
古恨不賦蕪城

石澗龍首山

殘年仍置閨五日恰逢春攜酒客獨賞
敲門僧不嗔雙松如拱立萬井若橫陳

精舍故盤礴
元規塵上人

劉克莊黃蘗山
出縣半程遙松間認粉標峯排神女
峽寺創德宗朝鶴老巢高木僧寒曉

墮樵早知人世
淡來往退居寮

遊枕峯寺
石磴招提古松蘿暝不分排雲雙樹轉隔
水一鐘聞林影疑殘雨山光倚夕曛醉來

歸路遠秋
思正紛紛

文天祥長溪道中二首
潮風連地吼江雨帶天流宮
殿局春仗衣冠鎖月旂傷心

今北府遺恨古東洲王氣如川至龍興海上州夜
靜吳歌咽春深蜀血流向來蘇武節今日子長遊海
角雲為岸江心石作舟文
夫竟何事底用泣神州

元盧琦贈長泰尹余良甫

令尹余良甫應勞撫字心野人爭賣劍山縣但聞琴夏半

畚田熟秋深瘴霧沈僕懷鐔水客千里寄知音

寧化縣

觸熱來寧化居人已賣瓜田園優五邑市井僅千家孤塔凌空聳青山對縣斜蕭條兵火

後撫景重咨嗟

王翰遊鼓山靈源洞

旭日照高岑天風振遠林不分滄海色那識白雲心瑤樹空香

滿珠林積翠深坐來明月上何處起潮音

陳陽極西峯寺

寒山多適興遠上白雲層過客每指寺聞鐘不見僧推巔橫絕壑墮石抱

寒藤幾欲棲雲去臨歧又未能

薩都拉閨中苦雨

病客如僧嬾多寒擁毳裘三山一夜雨四月滿城秋海瘴連雲起江

潮入市流釣竿如
在手便欲上漁舟

登烏石山橫山閣

千尺青蓮座烟霞擁地靈山川幾
緬履日月兩浮萍鳥沒雲垂海龍

歸水在瓶深堂說
法夜應許石頭聽

夜泊洪塘

勝地標孤塔遙津集百船岸迴孤嶼火風
度隔村烟樹色迷芳渚漁歌起暮天客愁

無處寫相
對未成眠

岑安卿沙縣小樓

半載客延平沙陽夢愈驚蛩鳴深
巷靜月昃半樓明故國三千里歸

途一月程西風在
庭樹絺綌不勝情

明林鴻春日遊道山亭

危亭臨絕頂勝槩昔曾聞野酌薰花氣開心狎鳥羣簷前看落

日衣上見歸雲半醉題詩去仙凡下界分

秋日登凌霄臺

故人多逸興攜手上高臺賦為閒居作懷因遠眺開秋陰將日去雁影帶

寒來歸路瞻衡宇松門掩綠苔

夜宿芙蓉峯

香刹瞰林邱逢僧信宿留風簾乘月捲露簾犯涼收宿鳥微喧曙明河澹瀉秋

一經空寂境人世漫沈憂

西峯寺

西峯雲外寺鳥道薜蘿蟠水接花源遠山藏石殿寒古牀閒聽雨野佩或紉蘭莫怪棲遲

久南宮已掛冠

方廣巖紀遊

懸巖太古色恍若入鴻濛一徑攀躋盡
諸天杳靄中雲歸山殿冷月出水簾空

靜境離言說
泠泠松桂風

王傅西郊陸氏山池

淡淡牽銀藻娟娟種玉蓮誰開
照膽鏡中有洗心泉萍散山流

影雲開月墜天願隨
鷗鷺侶薄暮宿雲烟

王恭遊霍童山

白鶴今何在千秋只鶴林人烟山郭
少魚鳥洞天深苔色迷仙迹泉聲淨

客心無因問丹
訣天路杳難尋

題無諸廟壁

野廟大江干蕭蕭樹色寒斷碑荒草沒
畫壁古苔乾龍去春潮在猿鳴海月殘

英雄那可問
東逝正漫漫

高啓送潘巡檢之閩中

京師到閩海秋色幾程餘
沙柵山兵守榕林島戶居曉衙

鷄應鼓晚邏騎隨車清
世元無盜將軍好讀書

王禕清漳十詠

漳水南邊郡閩鄉到此窮地偏冬少
雪海近夜多風百粵山川屬三吳景

物同昔賢遺化在千載紫陽翁此地多烟瘴時清
喜漸除阻山猶盜賊並海盡鹽魚田稻春秋種園薑

伏臘需不才叨郡倖廩祿頗贏餘奢競仍民俗纖
華亦土工盃盤簫鼓裏燈火綺羅中茉莉頭圍白檳

榔口抹紅良宵上元節紈扇已搖風近歲兵戎後
民風亦稍衰番船收港少畬酒入城遲綠暗枕榔樹

青懸椒攬枝薰風荔子少舊數老楊姬可是南邊
徼陽多氣候先零收正月盡茶摘上元前綠筍供春

饌黃蕉入夏筵南風吾所適久住亦相便文物如
鄒魯斯言信不虛科名唐進士道學宋先儒祠宇依

山曲遺書布海隅風流今孰繼
林子亦其徒是處方言別漳南
覺更強兒童皆喚困男女總稱儂
不雨猶穿屐因暄盡佩香人人牙
齒紫都為嚼檳榔山秀英靈聚溪
清爽氣開水晶凝石髓月彩耀珠
胎珉紫裁為硯犀花解作盃最憐
沙上草顏色作根荄試上南樓望
羈愁覺易消兩溪遙合港大海暗
通潮白露垂青野丹霞映碧霄夢
神曾獻吉日暮不堪招郡署經年
久吾來為一新重門森畫戟別駕
儼朱輪榕葉軒陰晚梅花閣氣春
祇憐去國遠為政愧能循

陳亮泛臺江

千古臺江勝三吳上客游醉乘閩海月
如泛洞庭秋水落山逾靜天寒水急流

高樓凌浩渺
長嘯振林邱

陳輝清泠臺

高人棲遯處僻近遠公禪霜葉埋山逕
風松落澗泉開尊鈎露幔掃石拂冰絃

暫結東林社
何須問白蓮

鼓山湧泉寺

聽梵來山寺
逢僧憩石樓
風泉行處滿
花竹坐來幽
林晚嵐先入
潭空雲色秋

上方微月白
相送虎溪頭

孟充棲雲寺二首

雅性愛林泉
時人結佛緣
山明知過雨
松暗不藏烟
鹿駭燒畬火
鐘

隨過渡船一聲何處鴈飛下
早涼天
簷鐸響琅璫
溪雲一路涼
玉龍臨沼吐金獸
度橋香
竹密秋生笋
蓮疎晚露房
明朝須載酒來此過重陽

柯潛題囊山寺三首

下馬松關外
行到虎溪鐘
鳴知寺近雲
暗覺天低礧
底流泉

滑巖頭古木齊
何當謝塵鞅
此地卜幽棲
都是知音者
相隨到古囊
雲開山展碧
花落水流香
看竹穿

山徑談碁坐石牀幽懷不可極吟對晚烟蒼借榻
雲深處風窓夜不扃興來吟弄月睡起坐聽經鶴舞
松陰翠龍歸雨氣腥明朝賦歸去山色為誰青

黃鞏九峯寺

九日九峰寺西風又送秋竹間無路入
樹杪有泉流多事還佳節傷心問故邱

山靈致吾意
長與護松楸

林炫登鼓山

海色連郊甸秋聲落閭阿孤峯上雲日
萬井俯星羅泉湧蒼龍洞池清赤鳳坡

幽人倚雙樹
擊石發清歌

林鉞偕傅丁戊登越王城樓

開闢來何歲行藏安自
由秋聲狂撼樹海色冷

吹樓日月吾將仕江山子好
遊清宵觀北斗紫氣鬱南州

林世璧超山寺

寥裳涉亂流
錦石混沙稠
一徑松陰合
孤村廟貌幽
溪聲晴帶雨
月色晚

當樓彷彿聞笙鶴
宵來度十洲

沈明臣元日閩中

歲時憐絕徼
客髻感春風
海日蠻烟裏
江流樹色中
水深歐冶澤
雨

過越王宮草色東
歸路愁心與斷蓬

徐渭謁延平先生祠

祠下風來好
單衣行暮春
杏花鏗爾瑟
柏樹灑然身
默坐澄千

慮傳燈與一人自慚
何所似馳馬醉歸頻

鄒應龍遊寶蓋巖

夙有斯巖約
今朝喜踐盟
路從支澗入
人在半空行
六月如霜候
四

時長雨聲願求容
膝地著我過浮生

方萬有滴水巖

丹洞何年闢靈竒自昔名龍蟠雨不斷鶴化月空明光映雲霞色虛傳鐘

磬聲石牀如可借長此學無生

林慈當陽寺

鳥道緣空碧龍宮入翠微逢師持鉢日
怡我到山時蘿徑千林滿風泉百道飛

何時至城邑惜別欲留衣

洪士英仁王寺

祇園同結夏枕籍白雲深栲栳當門
樹梅檀別院林巖鐘微雨翳山閣暝

烟沈世味坐來澹新蟬時一吟

魏時敏大雲寺

古寺臨泉石閒雲鎖墓田正逢栽樹
日未辨買山錢農舍乘春到僧房聽

雨眠定知吟社侶尊酒醉新年

林魁答劉明府雲泉寺韻

雨聲公事裏兼得了清遊
野寺三生石烟波一葉舟

龍光寒出匣蜃氣曉成樓
天地真無外何嫌問九邱

王會南溪早汎

曙色明孤嶼輕舠送落潮
溪行人間渡沙宿鳥驚撓
早爨分漁火村沽隔

浦橋悠然滄海
去舟子漫相招

錢行道春日遊太姥山過玉湖菴有懷

何處纓堪濯
澄湖玉一盃

蜂衙花塢散燕社草堂開日暮僧初定
春深客自來同心不同賞惆悵白雲隈

謁太姥墓

太姥藏真處丹霄第幾重
今名因漢改古蹟自堯封樹黑啼山鬼潭深卧鉢龍鍾離

為近侍已
化白雲封

鄭烜灞湧巖

絕境自天設磨巖紀舊遊路穿一徑小
門對萬松幽飛鳥憩低樹落霞隨亂流

憑高還北顧
紫氣望中浮

周景集西城樓

何處清煩暑層樓接鏡湖風流蓮社
飲烟雨輞川圖波面珠光湧巖頭樹

色孤怪來長醉
客山鳥喚提壺

童佩平遠臺

無諸行樂後黛色屬禪宮不藉空王力
何知霸者功高城隔海氣古木雜山風

未到人先說
金鼇萬井中

張邦侗集平遠臺

幾年桃葉渡此日竹林風捲幔來
青嶂分題亂碧筒春歸驚久客天

遠簷冥鴻矯首崇
臺上紅雲接海東

葉向高黃蘗寺三首

黃蘗安禪地青蓮選佛場金繩開翠碧銀漢挂雕梁路轉空香

杳階侵定水涼何因長洗鉢且得共飛觴靈蹟何年著蛟宮此地開湍泉爭噴露激響欲奔雷不辨磨巖字空餘翳石苔誰云弱水隔峯頂即蓬萊寶地圍青嶂龍湫落翠微晴虹低飲澗寒雨亂侵衣滅石驚珠墜因風誤雪飛臨流欣濯足心賞莫言歸

遊雪峯四首

障日太峻增炎天散鬱蒸峯寒猶帶雪徑窄半垂藤卧病君恩隔安禪世態憎

留連不能去覺路倘堪乘招提開寶寺振錫自何年繡柱圍蒼蘚虛廊響瀑泉布金人已去說法樹空傳辛苦催租吏豪門半寺田青山看欲遍茲地喜初遊洞古松杉翳堂傾鼠雀愁法雲時作雨僧臘不知秋分得伊蒲供還為信宿留存公振宗教遯跡到茲山枯木猶存鉢經年只閉關斯人不可作流水

自潺湲一脫微名
累超然心境間

陳邦注名山室

聽法向支公松間一徑通
鳥啼花雨外猿墜薜蘿中
慧日斜臨水慈雲半

倚空禪樓鳥鵲
定明月冷孤峰

曹學佺名山室

一巖未曾斷強別東西隈
屢拂珠泉落驚逢石室開
寒潭昏下湧古木向

空栽霜月林花
發非闕節序催

宿石室

四野淒風甚重林暖氣餘
雖如巖上宿宛爾室中居
一夜夢魂好千年蹤蹟疎
棲棲日行

役終媿
古人書

贈邱萬驥

閩地富邱壑予曾探討之
更餘未到處問自隱人知
暗谷朝光瀉寒林夕露滋
漁舟

如可入須
趁落花時

建州永安寺苦雨

晦翁雲谷記讀罷自依依谷似傳
人響雲疑沾我衣耕桑聞頗密幽

曠覺仍稀雨後翻
思往看泉百道飛

石松寺

石與松俱好名之寺更幽到門山雨下面壁
峽泉流法磬隨清慮香臺自遠眸此生無住

著纔得
稱心遊

遊通谷洞

山行不覺暑為入洞門幽藥澗疑風度松
濤亂影流嶂猿聲外雨野鶴夢中秋況與

鄉園近無
勞記卧遊

吳兆同曹學佺宿碧峯寺

入寺昏烟斂雙橋竹磳通
僧歸殘磬裏客夢亂山中

燈暗窓沾雨枝喧鳥墮風
他鄉寥落夜笑語喜能同

陳仲漆赤壁瀨

客路纔經日舟行入幾重載船多是
石繞岸半為松潭影搖空翠灘聲急

暮鐘一尊聊自
適看盡最奇峰

過勾漏里竹林

一望綠陰迷青山夾錦溪花隨泉水
出鳥傍竹林啼曲徑暮烟合懸巖芳

草齊臨流無限
意落日萬峯低

趙世顯登平遠臺

初晴鳥亂啼曲徑草萋萋雲斂千
峯出烟含萬井低古臺鼇石畔斜

景道山西此日竹
林下青尊誰共攜

陳良奇邁山

奇邁層峯表晴嵐盡日籠陰巖浮薄翠
陽石映輕紅鳥度屏風裏人行圖畫中

深潛有文彩
五色耀長虹

陳山呂峯晴雪

山落鴻濛外名傳呂七家寒光侵玉
女瑞彩散瑤華莎沒添新水梅橫失

故花遙憐林處
士倚杖夕陽斜

陳安麓南峯菴二首

路遠菜花行南峯滅復明竹成
菴有逕壇迴澗無聲野色碧際

海山雲青壓城老僧不識客隨意坐縱橫拔地兩
榕根盤空幻作門僧歸板橋月人語夕陽村積葉春
眠虎垂藤夜渡猿興來
還獨往徙倚望黃昏

石澗

未愜登山興移尊石澗堂松喧孤寺雨梨綻一
林霜遠岫皆圍郭低雲不度牆莫將邱壑意辜

負贊
公房

遊西禪寺

城西十里路春樹變鳴禽遠寺尋鐘入山僧避客深雨花天外落石榻洞中陰悟得

空門意吾生已陸沈

渡馬江

秋水淨如拭扁舟鏡裏行月當山罅出雲近海門生龍睡空江冷潮歸野渡橫棹歌中夜

遠漁火
不分明

傳汝舟劣崩峯

秋日同高望秋空指顧間白為溟海浪青盡島夷山逐客停盃酒悲風動

壯顏去天雖不遠誰扣紫皇關

鼓山

入洞春初定乘橋日半明斷岩流水轉低樹濕雲行林缺呈江練泉香長石英誰憐去國者猶

聽暮猿聲

陳鴻聽泉閣

風露臨虛閣應涵秋氣清一山在水次終日有泉聲響迸僧鐘落寒蕪客枕生

都作玉琴鳴

陳宏已遊玉泉寺

一路盤山色孤亭出竹陰客來春雨歇僧去暮雲深寺古多狐跡壇

空少驚音儘餘殘碣在榛莽豈堪尋

喝水巖

四壁秋雲冷蕭蕭響斷猿巖僧寒借榻山鬼夜敲門月影前峯過泉聲別磴喧祖師今不

見何處問真源

徐勵寓建陽福山寺

磴路層層入招提夾兩山柏侵陰殿綠苔繡古牆斑細雨蟲聲

碎微風蝶影間五更鐘韻香鄉夢屢催還

過王翰宅

寂寞南湖道春風草色繁青山餘舊業白日照忠魂荒塚狐狸夢空堂鳥雀喧當年

人不見惆悵欲黃昏

徐燠題方廣巖解院

叅禪覓野寺涼月滿空山行到叢林裏溪流隔幾灣老僧擁衲

坐孤鶴聞鐘還回首來時路渺茫烟靄間

孫昌裔候官市夜泊

纖月青山外蘆花白鴈邊宵光看野燒人語隔江烟潮落河流

淺天低象緯懸渡頭誰擊柝愁殺木蘭船

雨中渡峽

一葦凌空渡風生萬里烟山形雄障海水勢遠浮天急雨蛟龍關盤渦鷗鷺旋有情

難自遣愁見此茫然

陳鳴鶴武夷紫陽書院贈朱山人

先業依青嶂開軒獨隱居石田耕水

月芒屨混樵漁萬壑自吹笛孤燈時讀書結廬倘相許同釣九溪魚

國朝郭雍九日登于山

聊復登高去仙臺一放歌夕烟天外澹疎雨鳥邊多秋色老如

此流年傷若何蓬山不可接江月落松蘿

李象元遊鼓山

護道松皆古綠坡磴頗安但知塵界隔不覺梵天寬帆楫雙江合風霜百

怪寒不嫌遲到寺烟靄起巖巒

詩七言律

唐劉禹錫送唐舍人出鎮閩中

暫辭鴛鴦鷺出蓬瀛忽擁貔貅鎮粵城閩嶺夏雲

迎皂蓋建溪秋樹映紅旌山川遠地由來好富貴
當年別有情了却人間婚嫁事復歸朝右作公卿

張籍送汀州元使君

曾成趙北歸朝計因拜王門最
好官為郡暫辭雙鳳闕全家遠

過九龍灘山鄉祇有輸蕉戶水鎮應多養
鴨欄地僻尋常來客少刺桐花發共誰看

歐陽袞南澗寺

春寺無人亂鳥啼藤蘿陰磴野僧迷
雲藏古壁遺龍象草沒香臺抱鹿麕

松籟泠泠疑梵吹柳烟歷歷見招提
為耽寂樂親禪侶莫怪閒行費馬蹄

薛能送福建李大

洛州良牧帥甌閩曾是西垣作
諫臣紅旆已勝前尹正尺書猶

帶舊絲綸秋來海有幽都雁船到城添外
國人行過小藩應大笑只知誇近不知名

鄭良士遊九鯉湖

仄徑傾崖不可通湖嵐林靄共溟
濛九溪瀑影飛花外萬樹春聲細

雨中覆石雲間丹竈冷採芝人去洞門
空我來不乞邯鄲夢取醉聊乘鄭國風

寄富洋院禪者

畫破青山路一條走鞭飛蓋去何遙
礙天巖樹春先冷鎖院溪雲晝不銷

雪上茗芽因客煮海南沈屑為齋燒
誰能學得空門士冷却心灰守寂寥

黃子稜望考亭

青衫木笏尚初官未老金魚是等閒
人世幾多名將相門前誰有此溪山

市樓晚日紅高下客艇春波綠往還
人過小橋頻指點全家都在畫圖間

韋莊送福州王先輩南歸

豫章城下偶相逢自說今
方遇至公八韻賦吟梁苑

雪六銖衣惹杏園風名標玉籍仙壇上家寄關
山畫障中明日一杯何處別綠楊烟岸雨濛濛

施肩吾送人南遊

見說南行偏不易中途莫忘寄書
頻凌空瘴氣墮飛鳥解語山魑惱

病人闌縣綠娥能引客泉州烏藥好防
身異花奇竹分明看待汝歸來畫取真

徐夔題金粟洞景祥院

一溪拖碧繞崔嵬瓶鉢偏宜
此隈農罷樹陰黃犢卧齋

時山下白雲來松多往日門人種路是前朝
釋子開三卷貝多金粟語可能心鍊得成灰

鮑溶寄福州從事殷堯藩

越嶺寒輕物象珠海城臺
閣似蓬壺錢迴入市鮫綃

女終歲啼花山鷓鴣雷令劍龍知去未武夷雲
鶴亦來無就中靜事冥宵話何惜雙輪訪病夫

章碣送謝進士還閩

百越風烟接巨鼇還鄉心壯不
知勞雷霆入地建溪險星斗逼

人梨嶺高却擁木綿吟麗句便攀龍眼醉
香醪名塲聲利喧喧在莫向林泉改鬢毛

寄黃校書閒居

取得驪龍第四珠退依僧寺卜幽居
青山入眼不干祿白髮滿頭猶著書

東澗野香添碧沼
南園夜雨長秋蔬
月明掃石吟詩坐
諱却全無擔石儲

黃滔秋晚懷故山二首

寥寥深巷客中居
况復窮秋百事疎
孤枕憶山千里外
破

窓聞雨五更初
經年荒草侵幽徑
幾樹西風鎖敝廬
長繫寸心歸未得
起挑殘燭獨踟躕
支頤默省舊

林泉石逕茅堂到
目前
衰碧鳴蛩莎有露
濃陰歇鹿竹無烟
水從井底通滄海
山在窓中倚遠天
何事蒼

髯不歸去燕昭臺
上一年年

送翁承贊

誰言吾鄙命多奇
榮美如君歷數稀
衣錦還鄉翻作客
迴車謁帝却為歸
鳳旋北闕

虛丹穴星返南宮
近紫微已分十旬
無急詔天涯相送
只霑衣

酬翁承贊

傳將盛事更無餘
還向橋邊看舊書
東越獨推生竹箭
北溪喜足貯鯢魚
雨迴誰解

歸華表午夜兼能薦子虛須把
頭冠彈盡日憐君不與故人疏

和翁承贊七林書堂見寄之作

朱旂引入昔茆堂半
日從宮盡日忙馬

寶車行賜禮金章紫綬帶天香山從南國添烟翠龍
起東溟認夜光定恐故園留不住竹風松韻漫淒鏘

和翁承贊文秀光賢書錦之什三首

鄉名里號一朝
新乃覺台恩重

萬鈞建水關山無故事長卿嚴助是前身清泉引入
旁添潤嘉樹移來別帶春莫恁欄杆剩留駐內廷虛

位待才臣雖言闕越繫生賢誰是闕家寵自天山
簡媿兼諸郡命鄭元慙秉六經權鳥行去沒孤烟樹

漁唱還從碧島川休說遲回未能去夜來新夢禁中
泉君王面賜紫還鄉金紫中推是甲裳華蓋便將

垂美號故山重更發清光水澄此日蘭宮鏡樹憶
當年柏署霜珍重朱欄兼翠拱來時皆自讀書堂

翁承贊蒙閩王改賜鄉里

鄉名文秀里光賢別向釣台造化權閩閱便因今日

貴德音兼與後人傳自從受賜身無力向未酬恩骨肯錫歸闕路遙心更切不嫌扶病倚旌旗

使福州至劔浦贈僧亞齊

蕭蕭風雨建陽溪溪畔維舟訪亞齊一軸新詩劔潭

北十年舊識華山西吟魂惜向江村老空性元知世路迷應笑乘輶青瑣客此時無暇聽猿啼

文明殿受冊封閩王

龍墀班聽漏聲長竹帛昭勲撲御香鳴佩洞庭辭帝主登車故

里冊閩王一千年改江山瑞十萬軍蒙雨露光吟寄短篇追往事留文功業不尋常

御命歸鄉蒙賜錦衣

九重宣旨下丹墀面對天顏賜錦衣中使擎來三殿曉寶箱開

處五雲飛德音耳聽君恩重金印腰懸已力微更待臨軒陳鼓吹星輶便指故鄉歸

奉使封閩王歸京洛

泥絨紫誥御恩光信馬嘶風出洛陽此去願言歸梓里預憑魂

夢展維桑客程回首瞻文陸驛路乘輅憶故鄉指日還家堪自重思榮畫錦賀封王

奉使封王次宜春驛

微宦淹留鬢已斑此心長憶舊林泉不因列土封千乘爭得銜

思拜二天雲斷自宜鄉樹出月高猶伴客心懸夜來夢到南臺上徧看江山勝往年

甲子歲銜命到家至榕城冊封次日閩王降旌旗於

新豐市隄餞別

登庸樓上方停樂新市隄邊又舉盃正是離情傷遠別忽聞台旨許重來

此時暫與交親好今日還將簡冊回爭得長房猶在世縮教地近釣龍臺

天祐元年以右拾遺冊閩王

蓬萊宮闕曉光勻紅案拜麻降紫宸鸞奏八音

諧律呂鳳銜五色顯絲綸蕭何相印鈞衡重韓信
齋壇雨露新得侍丹墀官異寵此身何幸沐恩頻

漢上登舟憶閩

漢臯亭畔起西風半挂征帆立向東
久客自憐歸路近算程不怕酒觴空

參差鴈陣天初碧零落漁家蓼欲紅
一片歸心隨去櫂願言指日拜文翁

蕭頂贈翁承贊漆林書堂

軺車故國世應稀昔日書
堂二紀歸手植松筠同茂

盛身榮金紫倍光輝入門鄰里喧迎接列坐兒
童見等威却對芸窓勤苦處舉頭全是錦為衣

韓偓登南臺僧寺

無奈離腸日九迴強撫懷抱立高
臺中華地向城邊盡外國雲從島

上來四序有花長見雨一冬無雪却聞
雷日宮紫氣生冠冕試望扶桑病眼開

南安寓居

此地三年偶寓家枳籬茅屋共桑麻蝶矜
翅暖徐窺草蜂倚身輕浪著花天近函關

屯瑞氣水通吳甸浸晴霞豈知
卜肆嚴夫子潛指星磯認海查

陳陶贈漳州張使君

舊德徐方天下聞當年熊軾繼
清芬井田異政光蠻竹符節深

恩隔瘴雲已見嘉祥生北戶嘗嫌夷貊蠹
南薰幾時徵拜征西越學著縵胡從使君

贈福建路羅中丞

越艷新謠不厭聽樓船高卧靜南
溟未聞建水窺龍劍應喜家山接

女星三捷楷模光典策一生封爵笑丹
青皇恩幾日西歸去玉樹扶疎正滿庭

閩中送任畹還京

燕臺下榻玉為人月桂曾輸次第
春幾日酬恩坐炎瘴九秋高駕拂

星辰漢庭鳳進鵬行喜隋國珠還水府
貧多少嘉謨奏風俗斗牛孤劍在平津

上建溪

崆峒一派瀉蒼烟長揖丹邱逐水仙雲樹杳
冥通上界峯巒迴合下閩川侵星愁過蛟龍

國採碧時逢婺女船已判後
催鬢先白幾重灘瀨在秋天

周朴神光寺塔
良匠用材為塔了神光寺與得高名
風雲會處千尋出日月中時八面明

海水旋流倭國野天文方載福州城
桂輪頂上望浮世塵裏人心應總平

南澗寺
萬里重山繞福州南橫一道見溪流天邊飛
鳥東西沒塵裏行人早晚休曉日春山當大

海連雲古壑對高樓那堪望
斷他鄉目只此蕭騷自白頭

福州開元寺塔
開元寺裏七重塔遙對方山影擬齊
雜俗人看離世界孤高僧上覺天低

唯堪片片紫霞映不與濃濃白霧迷
心若無私羅漢在參差免向日虹西

昇山寺
昇山自古道飛來此是神功莫浪猜氣色雖
然離禹穴峰巒猶自接天台巖邊古樹泉衝

落頂上浮雲日照開南望榕
城塵世界千秋高古捲浮埃

徐黃荔枝二首

朱彈星九燦日光綠瓊枝散小香囊
龍綃殼綻紅紋栗魚目珠涵白膜漿

梅熟已過南嶺雨橘酸空待洞庭霜
摘拜捧金盤奉越王日日薰風卷瘴烟南園珍果

荔枝先靈鴉啄破瓊津滴寶器盛來蚌腹圓錦里只
聞銷醉客藥官惟合贈神仙何人刺出猩猩血深染
羅紋遍
殼鮮

題福州天王閣

絕境宜棲獨角仙金仙到此亦還
三門裏面千層閣萬井中心一朵山

江物碧灣盤洞府石排青壁護禪關
有時海上看明月碾出冰輪疊浪間

徐鉉送禮部潘尚書致仕還建安

名遂功成累復輕
鱸魚因起舊鄉情

履聲初下金華省
帆影看離石首城
化劍津頭尋故
老同亭會上問仙鄉
冥鴻高舉真難事
相送何須淚
纓滿

送陳秘監歸泉州

風滿潮溝木葉飛
水邊行客駐驂
駢三朝恩禮馮唐老
萬里鄉關賀

監歸世路窮
通前事遠
半生談笑此心
違離歌不識
高堂慶特地
令人淚滿衣

王延彬春日寓感

西衙前後訟堂清
軟錦披袍擁鼻
行雨後綠苔侵履跡
春深紅杏鎖

鶯聲因攜久醞松醪酒
自煮新抽竹筍
羹也解為詩也為政
儂家何似謝宣城

詹敦仁遷泉山城留侯招遊郡圃

當年巧匠製茅亭
臺館翬飛匝郡城

萬竈貔貅弋甲散
千家羅綺管絃鳴
柳腰舞罷香風度
花臉妝勻酒暈生
試問庭前花與柳
幾番衰謝幾

榮 番

釋貫休送鄭閣赴閩辟

便便書腹德無鄰健筆從知又入閩鸚鵡才思歸紫禁真

珠步履不稱貧武夷山夾仙霞薄螺女潭通海樹春從此應多好消息莫忘江上一閒人

宋宣和殿御製荔枝

密移造化出閩山禁御新栽荔子丹仙液乍凝金掌露絳苞初綻水

晶丸酒酣國艷非朱粉風汎天香轉蔥蘭何必紅塵飛一騎芬芳數本座中看

程師孟卧龍山

聞說林泉便訪尋平田一徑上孤岑榕陰落處宜諸客荔子生時值萬金

盡放還回官舍近不妨閑坐石門深四邊稻熟征租了稍愜農家出郭心

端午日南臺觀競渡

三山縹緲靄蓬瀛一望青天十里平千騎臨流奪翠幄萬人擁

道出重城來差蟬蛛橫波闊飛躍鯨鮓闢
揖輕且醉尊前金澹灩笙歌歸道月華明

曉登威武軍鼓角樓

百尺譙門戍萬兵黃昏初動畫
龍聲銅鈺猶是閩王點銀秤纜

懸漢守更四面僧誇金作界半天人看玉
為城官程稍近千餘里不可儂家向北行

寒食遊九仙烏石山

海中無事喜尋山千里提封並
海寬賓客相從筵已冷士民同

出食猶寒芳園病葉堆何限古院開花落
幾般誰道異鄉多感慨登臨遲却十年官

上巳遊東禪寺

出城林徑起蒼烟白馬遺蹤俗尚傳
第一僧居蘭若處幾番身醉荔枝前

百年騷客來閒寺三月遊人作樂天
更喜堂前迎太守路頭先墜碧雲鞭

東山獅子峯

東山十里覆溪流遠客時時一望愁泉
近榴花深洞口亭開獅子舊峯頭八州

旗色天邊出三館芸香海上流南
國共歌公所憩獨嗟無計共英游

馬益和程師孟寒食遊九仙烏石山

屬吏參陪宴二
山金盃滿沃酒

腸寬公私不禁三朝火風雨都無一日寒花引遊蜂
香四座人穿蕭寺景千般清明休暇歡心洽飽德咸
知有
上官

陳襄宿猿洞

幾年營此草堂棲旋飾名園百卉齊曾
學子真耕谷口今容摩什老山西龍臺

日午千峰出雁塔雲生一徑迷知
有嶺猿猶在否使君高卧莫教啼

和程公關越山亭

荔子園林海日邊幽亭更在碧雲
巔江山舊是無諸國樓殿今為極

樂天五馬知公多暇少一尊惟我共遊
偏須知白首留連意已有新詩寄北船

和程師孟任公仙臺

相逢正及荔枝期
况值千巖雪
灑時南國小
棠偏去近北山
通

客獨來遲雲中真有三清路
塵外都如一
局棋聞欲引泉添洗藥
未應奪我鳳凰池

鳳凰池

白雲深處一軒開
鳳去池空折野梅
山折九龍爭天矯
路盤千騎久徘徊
烟嵐翠入窓前

滴水石清從澗底來
誰與忘機此棲息
笑看林鳥下生臺

寄題南華洞

梅嶺峯前習隱亭
拂衣聊此玩真經
四時花木錦繡谷
十里江山水墨屏
猿鶴

只愁空北嶽
鯢鵬終待化南溟
知君不是榮軒冕
未忍鏘鏘去帝庭

遊武夷山

萬疊層巒接遠空
瑞雲晴靄氣溶溶
高於泰華五千仞
秀出巫山十二峯
蕙帳曉寒

孤鶴怨桃源
春盡落花穠
鸞笙一嘯最深處
仙客樓臺有幾重

蔡襄寒食遊西湖

山前雨氣曉纔收水際風光翠欲流
繞渚旌旗停曲岸滿潭鈺鼓競

飛舟浮來烟島紛相就引去沙禽好自由
歸騎不愁山月暝萬枝燈燭度花樓

登九仙山四徹亭

偶爾尋幽上翠微遊人啼鳥似前期
花間行印露沾紙山下放衙雲

滿旗艷艷舞衣朝日處飄飄商櫓落潮時
傳盃且與乘春醉身世悠然兩自遺

漳南西湖

湖上山光一筍青佛宮高下裏崑局烟收
水曲開塵匣春送人家入畫屏竹氣更清

初霽雨梅英猶細欲殘星吳船越棹知何處
柳拂長堤月滿汀

白雲亭

雲擎輦檻翠巖巔石老松皴不計年舉世覺
來空白日幾人遊去上青天醉看絕壑都無

地嘯倚清風只恐仙花晚春殘無限意他時
回首定依然

遊興化西門上溪

尋溪因過上溪遊雨後溪渾水亂流因傍堤松却飛蓋為聞山鳥輟

鳴騶平田穠稌青雲合滿屋芭蕉碧玉抽開濟無功須早去故時瓜隴有通侯

遊開元寺

紫閣青苔壓翠岑春情秋思共登臨雨嵐供眼橫千掌星漢垂簷直半尋忍別朱欄

真俗吏獨棲蒼樹祇仙禽當年人事多奇尚擬托巖局息寸心

龍溪亭

要看紅日照龍臺白玉堂高錦幃開樹色一番經雨淨溪光幾曲抱山來雲歸深洞天形

瘦風落前村笛弄哀擬結青樓遍題詠思王何客斗量才

宿延平津

鳴籟蕭森萬木聲濃嵐環合亂峯青樓臺矗處雙溪會雷電交時一劍靈曉市人烟

披霽旭夜潭漁火闌寒星畫屏曾指孤舟看今日孤舟宿畫屏

和王介夫遊西禪兼呈黃承制

山城只有四圍青海國都無一點塵荔子

風標全占夏荷花顏色未饒春水邊清吹傳觴久路上殘陽立馬頻不是閒來誇景物欲將謠俗寄王人

晁補之送曹子方福建轉運判官

談經草檄髯華生初擁閩山傳節行

江入桐廬青欲斷溪從劍浦碧來迎茶雖戶種租宜薄鹽不家煎價欲平要使祈招歌德意君恩不為遠

輕人

晁沖之送惠純上人游閩

蚤聽閩人說土風此身嘗欲到閩中春溝水動茶花

白夏谷雲生荔子紅襟帶九江山不斷梯航百粵海相通北窓夜展圖經看手自題詩寄遠公

李彌遜萬象亭

斷取方壺壯郡壕鉤連野色上亭臯雲移日轉天容麗江靜山明地軸高

下榻延賓供嘯詠凝香罷寢動風騷
使公八九吞雲夢小展風烟遺我曹

九日遊支提

蛇徑迴環織女機足間歌石礙雲飛西
風短髮欺烏帽落日清尊走白衣病眼

逢山寒水淨安心見樹遠烟迷掃
除磊塊壯懷地為載千巖萬壑歸

石獅巖

翠合峯巒萬葉稠雲擎佛宇出巖幽秋光不
到庭陰樹曉日先明竹外樓戶牖高低一世

界川原遠近失汀洲湯休示
我真消息更在靈山最上頭

次李綱遊鳳池

幾日公來浴鳳池寒驢陪乘偶參差
羈栖自笑卧盤谷健句爭先誦漢陂

世路吹蓬無念到山遊啗蔗不言知
紉書欲遂雲根築肯與酸寒鄭老期

徐經孫福州即景

一別居諸歲月增遙聞此景畫難
能湖田種稻重收穀道路逢人半

是僧城裏三山千簇寺雲間七塔萬枝
燈常年六月東山上地湧寒泉漱齒冰

陳植冒浦坊

疑是分開混沌初奔奇走秀兩相於等
閒開圃多栽竹行到人家盡讀書宴飲

直嘗千戶酒盤餐惟候雨潮魚九
華峯頂真仙宅冒浦坊中出輔車

劉鎮太姥山

從杜宇鳴時別天向蒹葭靜處低白鳥
蹄出遊回首日平西人

得魚閒釣艇黃蜂抱藥闌花枝好
將太姥山前路付與孤猿自在啼

李靚靈源洞

纔出塵來尚未知漸攀藤竹漸臨危伏
流似是龍藏處古樹應無春到時誰把

石崖齊剗削直教雲氣當簾帷良
工畫得猶宜秘莫與凡夫肉眼窺

野意亭

福唐城郭掌中窺旭日登臨到落暉誰在畫
簾沽酒處幾多鳴櫓趁潮歸晴來海色依稀

辨醉後鄉愁積漸微山鳥不知紅粉好纔聞歌板便驚飛

林伯材枕流軒

誰在紅蓮影裏行冷冷飛玉抱軒清幾番人世興亡夢千古雲涯黯淡聲

春暖蘇花隨雨到夜深寒月落湍明倦懷一枕清涼夢抖擻塵埃羽翼生

富直柔萬象亭

堂後山川面面通向來奇觀有萬蓬元戎小試經綸手萬象都歸指顧中

雨罷捲簾憑爽氣酒酣極目送飛鴻明年鳳閣鸞臺上好寄新詩下北風

王子獻福州觀燈

春燈絕勝百花芳元夕紛華盛福唐銀燭燒空排麗景鼉山聳處現

祥光管絃喧夜千秋歲羅綺填街百和香欲識神君行樂意姑循前哲事祈禳

鄭俠仁王寺橫山樓

衆俯橫山跨海來拂雲高閣為誰開荒溪古木間猿洞明月白

沙空釣臺曉日東風龍天矯秋風西峽鳳
徘徊居然靜卧江南岸天塹波濤亦壯哉

楊時玉華洞

蒼藤綠樹繞空庭疊石層巒擁畫屏
混沌鑿開三洞邃巨靈分破兩崖青
雪藏

野色春長在風入衣裾酒易醒
採藥遺蹤何處問擬投簪紱學仙經

武夷紀遊

濃淡烟鬟半雨晴溪光初借晚霞明
黿頭湧出三峯秀天漢融成一鑑清
粉社有誰

藏舊牒賓雲無處問遺聲幔亭
寂寞仙何在勾漏丹砂早晚成

李綱會宴湖亭

畫棟翬飛瞰曲塘主人情重啓華觴
月揉花影影鱗鱗碧風入荷花冉冉香

散策幸陪終日適開襟還喜十分涼
天涯隨分同清賞何必南園作醉鄉

遊東山

衰病年來百事閑禪居環繞盡青山
登高選勝從君樂隱几忘言輸我閒
一枕清風消永

日三盃濁酒發酖顏
雀羅可設從來事東閣常開不是慳

遊榴花洞三首

一派寒流作小溪
松篁深處有叢祠
千年鮮骨專車在
百丈靈湫瀑布垂

稷稻豐穰欣歲樂
鉛簫清咽報神私
更將小雨為滂潤
正是農家播麥時
乞得明時多病身
歸來林下

養天真芒鞋竹杖
未全老藥竈酒壺
隨分春山寺遞傳
鐘磬晚田家收拾
稻梁新試窮溪上
榴花洞恐有

桃源避世人
布地金沙片片
勻深沈院宇
閑祇園清涼路畔
前三語摩詰
城中不二門
千種光明瞻瑞

相六根清淨為還源
狻猊坐上法王子
稽首皈依衆所尊

賢沙寺

松堤高擁碧崔嵬
攜客登臨自此回
寺比道林多掩抱
峯如靈隱解飛來
薜蘿深處鐘聲

杏杉桂香中殿閣
開莫道釣魚人已
寂聞今說法尚如雷

鳳池寺

鳳去空餘舊浴池竹梧交蔭翠參差雲隨屐齒生松磴泉合琴心瀉石陂幽討平生如此

少清間今日許誰知道人為築綉書室杖屨來遊更卜期

遊武夷山

宴罷虹橋絕世氛曾孫誰見武夷君更無帝幕空中舉時有笙竽靜處聞猿鳥夜啼

千嶂月松篁寒鎖一溪雲洞天杳杳知何處翠石蒼崖日欲曛

拊欄山

拊欄百里遠沙溪水石稱為小武夷列岫籠烟紅削玉澄潭浸月碧生漪猿猱飲水連脩

臂樛木留雲擁老枝天下幽奇多僻壤翻疑造化畏人知

大乘寺訪許子大

物外仙家長自春隱淪何必為逃秦祇因榴洞贈花者便是桃源種

樹人丹荔枝頭星燦爛白雲峯頂玉嶙峋主人留客非無意端為出山多世塵

林迴宿猿洞

幾年形勝海南州。一旦聲名藹湛侯。夜色併來三島月。水光分破五湖秋。荔枝

影裏安吟榻。紅藕香中繫釣舟。金印解還天子後。詔書徵起不回頭。

許敦仁三山閣

蓬萊方丈與瀛洲。東引長流欲盡頭。幾處壇場渾得道。萬家樓閣半封侯。

名園荔子嘗三熟。負郭湖田插兩收。七百年來遺識事。釣臺沙合瑞烟浮。

曾鞏虞公菴

虞寄菴前薛徑通。滿山臺殿出青雲。難逢窠文書少偶。見憑欄笑語同梅粉。

巧含溪上雪。柳黃微破日。邊風從今準擬頻行樂。日伴尊前白髮翁。

遊聖泉

笑問并兒一舉鞭。亦逢佳景暫留連。清冥日抱山腰閣。碧野雲含石眼泉。躡屐路通林北

寺落帆門繫海東船。關王舊事今何在。惟有前村供佛田。

遊大乘寺

行春門外是東山
覽勝寧辭數往還
溪上塵隨人去遠
洞中花照水長閒
樓臺勢出

塵埃外
鐘磬聲來縹緲間
自笑守官偷暇日
暫攜妻子一開顏

遊昇山

脩竹長松十里陰
任敦燒藥洞門深
獨窺金版驚人語
能到青霞出世心
鷄犬亦隨雲外

去蓬瀛
何必海中尋
丹樓碧閣唐朝寺
鐘唄香花滿舊林

賢沙寺

昇山南下一峯高
上盡層軒未厭勞
際海烟雲常慘淡
入冬松竹更蕭騷
經臺日永銷香

篆講席
風生落塵毛
我亦有心從自得
琉璃瓶水照秋毫

鳳池寺

經年聞說鳳池山
蠟屐方偷半日間
笑語客隨朱閣上
醉醒身在白雲間
溪橋野水清猶

急海岸
輕寒去却還
為郡天涯亦瀟灑
莫嗟流落鬢毛斑

石賡昇山任公臺

衰年手脚倦
躋攀今日凭
高殿一出

雲間真人煉藥仙
都近釋子焚香佛界
閒塵事數來寧
易得笑歌須盡夕
陽還

陳鑄任公仙臺

石徑層層封綠
蘇松蘿步步裊
青烟

海中島嶼分諸國
野外雲霞散一川
賢守乘私縱登賞
不妨吟到夕陽天

元絳元公亭

誰將吾姓揭亭顏
棟宇飛騰氣象完
谷

頓覺羣山小天近
須知六合寬
三到岩扉殊不厭
異時常向畫圖看

鳳池寺

州人未識鳳池山
朱轂時時此往還
四座盃

蓋百道飛泉響珮環
誰為霜
縑圖畫景翠微高處一開顏

韓世忠赤鑑湖

萬頃琉璃到底清寒光不動海門平
鑑開波面一天淨虹吸潮頭八極聲

吹斷船風漁笛遠載歸秋月客帆輕
芍陂會上孤舟看何似今朝雙眼明

蔣之奇松石峯

晚近津亭泊畫船忽聞佳處在雲烟
松根化作千年石山寺蒸為一澗泉

祖意共看亭下柏禪交同結社中蓮
明朝輿筍還躋嶺聊借僧房一覺眠

魏萬榴花洞

江山巧秀入禪局四望仙源畫未真萬
疊好峯侵碧落一條流水隔紅塵澗邊

鹿蹟知何代洞口榴花鎮似春自
恨聲名尚牽鎖無因長對社中人

吳棫越峯院

野僧迎客笑開關更拂殘碑薛字斑徐
姓仙歸空碧洞漢封王去漫青山影來

秋月林千缺聲落春風水一灣焙
茗滿甌須強啜過橋車馬使人間

重光寺

上窮蒼石梵成蹊祖意誰參隻履西曉閣濃陰雲半嶺夜堂清影月雙溪池開今日青銅

鏡碑立何年碧玉圭靜覺宦名微可笑南華經裏一醺鷄

張勸山輝堂

蕭蕭松竹陰華扉更有虛堂隱翠微雲露峯巒橫秀色月低巖下弄清暉分開

遠碧鳴泉落點破寒光白鳥飛還似山陰秋霽後照人懷澹欲忘歸

許將碧巖亭

舊室曾留古岸邊新亭同賞碧巖前日生獅子峯頭木烟伴榴花洞口泉黃葉

入秋山出地白雲臨曉海垂天飄然蹤跡今何定別去江湖又一年

陳傅良送辛幼安帥閩

長才自昔恨平時三入修門兩鬢絲瓮下可能長夜飲花

間却學晚唐詞潛然北顧關河水簡在西清日月遲乘鴈雙鳧滄海上與君從此恐差池

送盧國華赴閩憲

相望千里馬牛風
聯事湖湘各已翁
造次便呼兒女見
綢繆畧與弟

兄同百年又是梅花發
萬事何如荔子紅
欲附使輶嗟不及
却憐身在俊蹕中

蕭竑望江亭

滄波水上嶺崔嵬
中有幽亭向水開
草色直連天色遠
風聲長送浪聲來
雲收

山脚鷄園見潮滿船頭釣艇回
咫尺市塵塵不到
檻前鷗鳥自毵毹

湛俞龍龕山靈峯院

禪林瀟灑倚危巔
稅駕登臨思豁然
萬里碧光晴望海
一堂幽

響夜聽泉寒龕龍卧清涼地
古洞雲歸黯澹天
好景自嗟吟不盡
擬憑圖畫寄詩仙

袁正規見江亭

地產靈芝古道場
危亭陟起負重岡
江心遠疊通潮浪
海外遙分異域疆

繚繞人家依縣市
寂寥烟景認吳航
倚欄望斷暮雲碧
不見長安見夕陽

教陶孫哭趙相詩

左手旋乾右轉坤云何羣小肆流
言狼胡無地容姬旦魚腹終天葬

屈原一死周知公不免孤忠賴有史長
存九泉若遇韓忠獻休說渠家末代孫

黃非熊題玉泉洞

百尺寒泉漱玉鳴洞門斜入石廊
橫烟霞不改古今色山水無分朝

暮聲窺洞野猿懸樹立驚人吻鹿上巖
行有時寫畫琴中趣風定千秋月正明

瑞松塢

誰種靈松近佛家根蟠深塢
落雙龍動日照黃昏雨蓋斜十里雨聲喧洞碧

壑半空清影浸雲霞山僧長
日頭來賞只恐春深起爪牙

望仙臺

臺前高嶽宅神仙疊石誅茅對碧巔雲霧不
分人去路管絃長動雨來天影鸞呼侶歸殘

照野鶴啣花下紫烟誰識蟠
桃最深處劉郎風骨已全仙

龍樹巖

山橫疊嶂一株松樹倒蟠龍風雷聒地濤聲

烈日月摩空翠影重憑仗高僧好珍重看看雷雨化靈蹤

聽泉巖

萬籟澄空天地秋清音不斷下悠悠山前一片月留影石上幾番僧白頭未必素琴方理

性何須萱草始忘憂堪嗤朝市區區者祇聽笙歌醉便休

清音洞

羣山如削水如繩一洞清音氣味凝風送松聲歸遠聲日移猿影下垂藤林僧倚杖看泉

脈野客橫琴坐石稜回首碧巖鐘動處雲臺猶在最高層

張元幹留寄黃蘗山妙湛禪師

晨發鄉城越數峯我來師出失從容白雲

遮日蔽秋寺青嶂聞猿驚暮鐘世亂可無閒地隱山深偏覺老僧慵他年芋火談空夜雪屋松窓約過冬

吳錡方廣巖

曾訪神仙巖洞來人言偉觀似天台藤蘿足下猿猴嘯鐘鼓聲中日月開燈續

佛光凝紫翠雲將蜃氣作樓臺最憐貫石神龍尾猶帶天南雨露回

余復遊霍童

霍童山峯凡六六不知仙子在何山秋風萬里一黃鶴返照半林雙白鷗長劍

氣橫霄漢外飛泉影落畫圖間自憐嬾作朝端客訪道尋真日往還

白玉蟾遊霍童

王鄧諸君安在哉雲屏烟幃鎖蒼苔大千世界飛雙鳥第一洞天遊兩回

太極光陰忙劫數九天瑞氣接蓬萊桑田海水只如許惹得朝猿暮鶴哀

金粟洞

白雲亂山深復深洞口枯樹鳴飛禽玉雪影梅金寂寞琅風韻竹夜蕭森海流河外青蘿

帶巖聳天邊碧玉簪憶昔仙人鄭文叔淚垂夕照落平林

黃伯雲夢筆山

芙蓉幻出畫難成
文藻由來屬俊英
五采曾遺當日夢
百年猶有故山名

歲寒寥落松筠秀
月夜悲涼鶴鶴驚
惆悵文通人去遠
載瞻南浦夕雲橫

陸游雍熙寺與僧夜談

高名每慣習鑿齒
巨眼適逢支道林
共語不知紅燭短
對

牀空嘆白雲深現
前鐘鼓何曾隱
匝地毫光不用尋
欲識天冠真面目
烏啼猿嘯總知音

韓伯脩洪山

壁立東南第一峰
問名知是葛仙翁
丹砂竈逼雲頭近
玉井泉流海眼通
六字

籀文天篆刻數間
洞室石牋幪我來
整屐層嶺上無數
羣峰立下風

劉子翬華嚴寺

淺水荷花開傍橋
晚鐘樓殿碧山椒
松林繞路行不徹
野鳥避人飛更遙

喜有高情共邱壑
應須長嘯混漁樵
老僧好事能延客
未覺山房苦寂寥

遊武夷山

回薄溪流漾翠岑東風一舸縱幽尋幔亭落日笙簫斷毛竹連雲洞府深似有碧鷄

翔木杪誰將丹鶴寫巖陰神仙可學非身外多少遊人浪苦心

洛陽橋

跨海飛梁疊石成曉風十里渡瑤瓊雄如建業虎城峙勢若常山蛇陳橫腳底波濤時洶

湧望中烟景晚分明往來利涉歌遺愛誰復題橋繼長卿

出郭呈張守

出郭藍輿載酒隨林邊蕭寺趁幽期雲依石度遙看久路遠田分欲去疑落日

悲風滄海外黃花翠竹晚秋時憑詩一寫登臨勝為報壺山太守知

次韻張守壺山詩

松根繫馬望巔岼乘興攀躋不作難日出漸看林霧散潮來先覺海

風寒遙連釣石多紅樹半出僧垣盡綠竿不見雙旌來視稼憶君對酒豈能歡

雙溪閣

雄觀今古快幽情
突兀層樓出市甍
二水交流何處盡孤舟
不見亂山橫
丹壚寂寞仙遊

遠劍氣蕭條客恨盈
向晚移尊話寥落
可堪時聽鼓鼙聲

劉克莊壺山

昔人方此遇神仙
曾見壺公跳入年
斫木聲多山漸瘦
結菴年遠石誰眠
鳥啼

半嶺銜斜日
樵返疎林起遠烟
獨有老僧無俗事
一龕長占野雲邊

蒜嶺夜行

嶺頭無復一人來
漁店收燈戶不開
松氣滿山涼似雨
海聲中夜近如雷
擬披醉髮

橫簫去只寄鄉書
與劍迴他日
有人傳肘後
尚堪收拾作詩材

漁梁

春泥滑滑雨絲絲
一路陰寒少霽時
水入陂渠喧似瀑
雲從山崦上如炊
燎衣去傍田家火
災

燭來看野店詩
落盡梅花心事惡
獨搔蓬鬢遠殘枝

仙遊縣

不見層岡與複崑
眼中夷曠似江南
烟收綠野連青嶂
樹闕朱橋映碧潭
丞相無家曾住

寺聘君有字尚留菴
荒山數畝如堪買
徑欲誅茅老一龕

懷安道中

閩溪瘴嶺客程賒
曉泊懷安喜近家
大屋書旗夸酒米
小舟鳴櫓競魚蝦
溪移櫂已

臨高岸潮退帆多聚
淺沙快著征衫
鞭瘦馬要看二十里
梅花

送真西山再鎮溫陵

父老香花夾路催
朱幡那忍更徘徊
弓張至此尤宜弛
珠去安

知不復迴海上有艘堪致粟
洛生無篚勝生財
泉人畢竟修何福
消得西山兩度來

別教器之

舊說閩人苦節稀
先生獨抱歲寒姿
老年絳帳聊開講
常日烏臺要勘詩
東閣不遊

緣有氣草堂未架為無貲輕烟
小雪孤行路折騰梅花寄一枝

陳宓城山

穀城巖穴仙飛來十里湖光鏡面開夜雨松窓僧榻靜秋風柳岸釣船回尋幽便扣

興雲洞乘興還登呼月臺每到西湖吟咏處令人偏憶故山梅

趙汝愚登鼓山

幾年奔走厭塵埃此日登臨亦壯哉江月不隨流水去天風直送海濤來

故人契闊情何厚禪客追隨眼亦開堪嘆人生祇如此虛欄獨倚更徘徊

胡梅仙亭巖

仙子高樓海上山一塵不到石臺閒隨仙客收碁去龍伴山僧採藥還風送

白雲歸洞口鐘隨明月到人間不須更問神仙事花落花開暑又寒

韓常卿董奉山

丹竈基枰去不收未知蹤跡為誰留煙霞空掃樵人徑松檜重陰古寺樓

怪木化龍雷雨後碧波涵月鏡潭秋遼東望斷無歸鶴山自嵯峨水自流

羅願和趙汝愚開西湖二首

湖邊飛蓋欲誰同
治行思舊翁
行樂未饒

溱洧女詠歸應有舞雩童
閑山影浸烟雲動
滄海潮連浦
澈空欲識元侯疏
鑿意君王勤
儉正卑官
南
亦如前哲變文風
四時鏡淨登臨美
萬頃雲垂灌漑
通嗟我一麾江漢上
慨然興歎似南豐

朱熹遊瑞巖次韻

踏破千林黃葉堆
林間臺殿鬱崔嵬
泉噴薄秋逾響
山翠空濛晝

不開一壑祇今藏勝槩
三生嚆昔記曾來
解衣正作留連計
未許山靈便却回

次趙汝愚開西湖二首

百年地闢有奇功
創見猶驚鶴髮翁
共喜安車迎國老
更

傳佳句走郵童
閒來且看潮頭入
樂事寧憂酒盞空
會見台星與卿月
交光齊照廣寒宮
越王城下水

溶溶此樂從今與衆同滿眼芰荷方永日轉頭未泰
便西風湖光盡處天容闊潮信來時海氣通酬唱不
誇風物好一心
憂國願年豐

葉棣飛來山

亂山深處款禪局十里松陰步障行翠
竹黃花幾開發南星北斗自高明樓臺

日轉天邊影鐘磬風回地軸聲為
問閩江釣魚客謝家誰更未知名

陳知柔蓮花峯

多病登臺今古情菊花搖蕩午涼生
山前木落石巖出海潮來秋渚平

野興已隨芳草遠歸鞍更傍落霞明
愧無十丈開花句獨卧禪房心自清

題秦隱君祠次鄧經畧韻

人境初無車馬喧卜居原
得近姜村山圍古寺苔生

砌花落前汀潮打門已許揭身如日月不妨為
客任乾坤清詩海內流傳久亭下空餘石硯存

謁姜相墳祠次鄧經畧韻

欲將興廢問洪鈞來謁孤墳獨愴神千載高風餘稟

稟一池秋水自粼粼門前帆影來天際林杪鐘聲落海濱此道寥寥今復振不應漁水是東鄰

陳俊卿共樂亭

共樂臺前花木深登臨當暑豁衣襟紅垂荔子千家熟翠擁篴簫十畝陰

老退已尋居士服清歡時伴醉翁吟憑欄四望豐年稼差慰平生憂國心

黃幹九峯鎮國禪院

暝逐歸雲入遠山九峯環立似人寰摩挲石刻元和體矍鑠僧

譚宣政間往古來今渾似夢隻鷄斗酒強開顏明朝酌此龍湫水直上層霄不復還

鄧柞謁姜相祠墳

布衣崛起秉洪鈞料事當年若有神三尺孤墳封馬鬣一時直道犯

龍鱗從容未見回天力流落空聞棄海濱賴有高人秦處士不妨築室作居鄰

吳棫登姜相臺

滿林紅葉墜紛紛耆老猶言別駕墳
舊府光華闕右月故鄉蕭索海南雲

酒盃湖上同方白茶竈巖前伴隱君
二百餘年真一夢遠牆荒隴半耕耘

林雲仙水廟

天風吹我上瑤臺滿眼烟霞掃不開藥
竈無丹人已去洞門有樹鶴還來溪聲

晴帶三秋雨山色青無半點埃更
覺夜深清夢斷碧紗明月照蒼苔

黃裳雲門山

不須扶我自登山脚力能勝十八盤一
字鴈低頭上過兩城人細掌中看誰知

北戶緣尤在却笑南柯夢未闌忽
見歸雲應是信滿襟先得洞天寒

元薩都拉環峯

越王故國四圍山雲氣猶屯虎豹關銅
獸暗隨秋露泣海鴉多背夕陽還一時

文物風塵外千古英雄草莽間日
暮鷗鵠啼更急荒臺野竹雨斑斑

熊禾武夷訪友

五月涼巾陟翠微竹枝香露濕人衣
雲行老樹青猿過雪落長溪白鷺飛

仙徑好花愁急雨高亭芳草怨斜暉
我來更欲平林去為扣先生玉版扉

長溪道中

野田秋稻正潺湲新翠喬林繞舍環
淡日凝烟橫別浦斜風吹雨過前山
柴扉初放

牛羊出漁艇方攜蟹蛤還自笑
平生愛遊覽天教長在水雲間

雅琥登釣龍臺

自古甌閩國富雄南琛不與職方通
江流禹畫縱橫外山入秦封蒼莽中

逐鹿兵還神器定屠龍人去釣臺空
海門日落潮頭急何處繁華是故宮

黃鎮成鼓山劣削峯

劣削峯高萬丈梯上方高與白
雲齊青山盡處海門闊紅日上

來天宇低喝水無人空宴坐摩巖有客漫
留題飄然欲御長風至一笑何須到虎溪

三山九日

九日南州尚滯留，高風寒鴈獨登樓。自憐白髮難為客，欲買黃花只負秋。南國美人

鸚鵡賦北庭公子，鵲鷄裘不愁。大地風霜苦更擬吹笙過十洲。

吳澄題大乾惠廟

大業龍舟竟遠巡，義寧孤媚忍欺人。北名各署新年號，南嶠猶遺舊

守臣身合沈湘甘殉楚，心知蹈海勝歸秦。塵間俯仰幾楊李，樵水東流萬古春。

張翥憶閩中

漫漫際海漲天涯，萬里曾乘使者槎。梓澤重尋仙客洞，草堂頻醉故侯家。人多

熟酒燒藤葉，市有生蠶賣象牙。安得夢中真化蝶，翩然飛上刺桐花。

湄洲嶼

飛舸鯨濤渡渺冥，初光壇上夜如星。蛟龍筍簾懸金石，雲霧衣裳集殿庭。萬里使軺遊冠

絕千秋海甸，仰英靈。乘槎欲借天風，便彷彿神山一髮青。

貢師泰遊元沙寺

十里青山馬上看春風撲面尚微寒
偶隨芳草來僧寺却笑飛花點

客鞍東野先生方載酒西都博士亦彈冠
莫憐白髮江湖遠且為諸公一盡歡

泉州道中

千山落日丹霞北萬里孤城白水南
玉腕霜寒凝紫蔗金丸露暖熟黃柑
海商到岸

纔封船蕃使朝天亦賜駉滿市
珠璣醉歌舞幾人為爾竟沈酣

劉邊梅仙山

已是吳門變姓名後來誰更識
先生一坏漢土丹龕在萬古閩山劍氣橫
步入白雲

秋石瘦坐分黃葉午風清
逃奴不返松門靜隔水寒烟起暮城

藍靜之九日開元寺登高

古木寒溪入翠微西風九日扣禪扉
金銀宮闕生秋

草錦繡山河下夕暉
陸羽泉荒龍已去呂蒙祠
古鳥空歸諸公且盡登臨興
莫嘆尊前往事非

王佛生建陽懷古

東陽昔日好山川
山色川光豁眼
前西岸水連東
岸水南橋烟接北

橋烟錦江酒味香千古雲谷書聲歇幾年不信令威時解語至今城郭獨依然

盧琦汀州道中

七閩窮處古汀州
萬壑千巖草樹稠
嵐氣滿林晴亦雨
溪聲近驛夜如秋

雲中僧舍時聞犬
兵後人家盡賣牛
但得龔黃為太守
邊方從此永無憂

福清平南道中

輕輿五月歷郊垌
萬事都非舊典刑
省檄一番新繕甲
兵十戶半抽丁

雨餘野水邛邛白
海上烟岑點點青
只合早尋邱壑去
年來鬢髮已星星

登壺山真淨巖

松扉深入白雲中
躡磴捫蘿路可通
結社幾人從惠遠
登山何處覓壺公

五更客夢茅簷雨
六月秋聲木葉風
獨倚闌干望滄海
故鄉應在海門東

宿壺山真淨巖

樹下松扉絕點埃何須海上覓蓬萊
十年客鬢塵中改六月襟懷酒後開

雲影不隨飛鳥沒江聲偏逐晚潮來
干戈滿眼風烟暮欲別西山首重回

王翰鴈湖二首

鴈去湖空野水深秋風吹客上遙岑丹
楓盡逐孤臣淚黃菊空憐處士心雨後

諸峯浮夕靄霜前一葉送寒陰停車欲問當年事尺素
何由到上林江海風濤浩不收却來此地駐清游上

方樓閣通三島別野烟霞十一邱書斷鴈歸沙塞遠丹
成龍去鼎湖秋悠悠此意憑誰問陳跡空餘萬古愁

過化劍津

寶劍沈沙世已傾千年波浪未能平空餘
故壘鄰滄島那復雄兵出郡城淮上何人

祠許遠海中無客葬田橫夜深
有氣干牛斗洒淚空含萬古情

張本登封山

氣勢崔嵬天可捫野筇登覽駭心魂一
山高出羣峰表十里遙瞻百丈尊碧嶂

雨收嵐翠溼蒼藤雲捲鳥聲喧當
時煉藥人何處丹竈依稀火尚溫

陳旅送李彥方副使入閩

海邦赤子窮無告詔遣儒臣著繡衣天祿閣中書顯

灝越王山下馬駢駢龍風滿港榕陰合燕雨侵
簾荔子肥一道澄清俄頃事使星還向紫垣飛

湯益木棉菴

檀板敲殘月上花過牆荆棘刺簷牙指
麾已失鐵如意賜子寧存玉辟邪破屋

春歸無主燕廢池雨長在官蛙木
棉菴外猶愁絕月黑夜深聞鬼車

無名氏和湯益木棉菴

榮華富貴等浮花膂力難勝
國爪牙漢世但知光擁立唐

朝誰識杞奸邪綺羅化作春風蝶絃管翻成
夜雨蛙縱有清漳人去也碧天難挽紫雲車

貢性之越山清曉

曙光晴散越王臺萬壑千巖錦繡
開歌枕僧鐘雲外落卷簾漁唱鏡

中來樹藏茅屋鷄聲斷露溼松巢鶴夢
回安得畫圖分隙地移家仍住小蓬萊

釋大圭題陳洪進故築雲樹

老屋荒臺雨氣昏石苔
不見舊鏡痕當年霸業

旌麾盡故國秋聲樹木涼度海鴈行驚斷角近城
螢火沒荒垣無人去買長罇酒一酌陳王千載魂

楊維禎送貢尚書入閩

又入閩萬里銅鹽開越嶠千
繡衣經畧南來後漕運尚書

艘升斗買蕃人香熏茉莉春醒重葉捲檳榔
曉饌頻海道東歸聞未得法冠重戴髮如銀

明王偁登九仙山懷林頻

雪後空山一棹過新年草色
送離歌心知別後登臨少福

地重來感慨多谷口飛花看薄暝洞門啼鳥
掩垂蘿知君亦有東山屐歸去雲林近若何

登釣龍臺

高臺遠枕大江流江上雲屏宿靄收才子
揮毫春作賦商人酌酒晚移舟空潭龍去

山河改古殿雲寒劍戟愁莫向
此中多感慨漢家陵樹已先秋

黃澤喝水巖

方崩峯高紫翠深閒隨飛錫到雲林橋
邊草露沾行屐澗外松風度梵音霄漢

昔勞青嶂夢烟霞今遂白雲心忘
形共了三生約蓮社相過日抱琴

黃孟良九鯉湖二首

人已成仙鯉化龍伊誰湖上構仙宮
石遺丹鼎潺湲裏烟鎖樓臺縹緲中

青鳥去來猶夜月碧桃開落自東風此行非為邯鄲夢擬
向橋頭問石公樓閣巍巍拂紫霞盤山環拱走龍蛇石
盤泉瀉千尋瀑玉洞桃開萬樹花春徑有苔封舊木夜
壚無火養丹砂我來不遇吹簫侶幾度凭欄重嘆嗟

林鴻登釣龍臺

逐鹿屠龍事渺茫空臺依舊枕山岡
衣冠神禹傳苗裔風壤宗周列職方

南粵雲來螺渚白東甌天接虎門蒼
登臨送別兼懷古不惜狂吟倒玉觴

九日登絳月蘭若憶鄭二宣

微霜初下越王城衰病逢秋也自輕九日登臨多縱

醉百年感慨獨鍾情斷蟬野寺黃花晚遠樹江天白鴈晴却憶浮邱叟海上懶題詩句寄同聲

唐泰雪峯崇聖寺

微霜落葉渡關河古寺深秋掩薜蘿輕策獨隨飛鳥去好山偏向夕

陽過三花祇苑逢僧少獨樹空林積雨多暫盍朋簪耽勝果下方塵土易蹉跎

藍智道山亭

江國涼風白鴈初道山秋色野亭虛天連海水蓬萊近霜落汀洲橘柚疎北望

每懷王粲賦南遊空上賈生書四郊但願休戎馬獨客何妨老釣魚

王恭登萬歲塔

絕頂層標出半天千山宮宇翠微連雲飛百越滄波外鳥度千峯夕照邊

平遠臺空秋佩冷毗盧閣靜夜燈懸屠龍射鱗今何在蔓草荒陵幾度烟

巖泉寺

遠公滿洒住東林竹裏開扉隱翠岑祇樹坐
來忘色相靈花空裏見禪心白雲半嶺迷香

界孤磬中峰出梵音此地從
來堪習靜浮生幾度得相尋

德成精舍

春風扶醉上巖阿盤石蒼蒼覆綠蘿野服
不教山鳥怪仙遊偏愛白雲過罵巢事往

人何在續孟書成世未磨惆悵
空堂翠微裏斷猿啼起夕陽多

高棟螺江夜泊

寒潮欲落海天寬極浦維舟夜色關
月色滿衣天上坐星河捲幔鏡中看

清霄大地江山靜古廟嚴霜析漏寒
明發不愁歸路晚三峯只在白雲端

林誌靈隱寺

海上三山隔弱流梵宮獨占此山幽香
臺月霽曇花曙大寶苔封貝葉秋宦况

暫辭青瑣去錦衣莫戀白雲留諸
天不用藤蘿鎖早晚乘風到上頭

古靈蟠龍石

南陽高卧石牀間誰道神龍此處蟠
竚尚封瑤骨碎苔花半溼玉鱗寒浮邱

不醒春如夢醉墨猶隨露未乾我
欲留題寄陳跡桑田未便遽飛翰

鄭定巖泉寺

林間鐘梵曉沈沈客裏殘春喜盍簪
曲徑行隨流水轉禪房坐掩落花深
題詩

把酒同幽興孤鷗閒雲愜遠心此
度勝遊應不負風流何必在山陰

過楓亭驛

餽糧千里又南征笑把弓刀擁將星
汗血沙塵前後騎檄書烽火短長亭
天連閩海

團團白山遠彭湖點點青遙想
環峯三十六將軍晏坐對滄溟

再往三山

去歲才從上海還今年又復戴南冠
榕陰巷陌春風老荔子樓臺宿雨乾
幾處舊遊

重載酒十年往事一憑欄回頭
却羨天台道有客吹簫跨玉鸞

張以寧過武夷

羽節電旌蔽紫氛
幔亭高宴武夷君
虹橋一斷青冥隔
天樂多傳白晝聞

巖掛玉機虛夜月
洞涵金骨煖春雲
紫陽見說今猶在
拜乞刀圭儻汝分

張羽閩中春暮

吳山入夢驛程賒
身逐孤帆客海涯
九十日春多是雨
三千里路未歸家

枕柳土潤蠻烟合
楊柳江深瘴霧遮
倚徧闌干愁似海
杜鵑啼過木蘭花

陳亮晦翁巖海天山月亭

洞門壁立與雲平
此日登臨萬古情
野鳥向人如有語

意山花隨雨落
無聲仙壇草沒春
光晚客枕春殘
曉夢清此地從來可招隱
欲投林下解塵纓

冶城懷古

東西屹立兩浮屠
百里臺江似帶紆
八郡河山閩故國
雙門樓閣宋行都
自從風俗

歸文化幾見封疆
入版圖惟有越王城
上月年年流影照
西湖

林章潛山送友還閩

芳草相逢楚澤西紅亭綠酒又
分攜人生底事憐鷄肋客路長

教怨馬蹄舒子州前櫻葉暗越王城下荔
支齊十年歸夢如流水一夜隨君下建溪

林保童題玉女峰

迴立亭亭似武夷珮環遺響水簾
垂春風蘭蕙簪雲髻曉日烟嵐發

黛眉淡服應須霞作帔貞心不改玉為
肌時人莫問神仙宅月下鳴璫自可期

陳癸茶園牧唱

春滿園林草滿坡大牛驅引小牛過
龍湫水暖迎蹄迅雀舌芽肥掛角多

到處臨風橫紫笛有時和月卧青簑
祇令新製昇平曲不唱南山白石歌

柯潛遊武夷

疊疊青山面面尊烟霞為宇石為門瓦
棺蛻骨傳秦漢苔筆題詩盡宋元人世

屢更新歲月仙家猶是舊乾坤黃
冠羽客垂垂老知是錢鏗幾葉孫

題文峯巖

天作奇峯戴巨鼇，蔥蔥佳氣映宮袍。千峯草色兼天遠，萬壑秋聲挾地豪。海月欲生

涼似水，澗雲初起湧如濤。興來把筆題詩句，只恐明朝紙價高。

鄧定遊東山寺

古寺依山不記年，興來登眺更悠然。題詩徧掃蒼苔石，隱几遙觀瀑布泉。

山徑草芳春麝過，水塘沙暖白鷗眠。紅塵隔斷人間世，肯信桃源別有天。

張時徹登拱辰樓

紫薇仙署鬱蓬萊，阿閣玲瓏接上台。碧海雲霓翻水殿，青城龍虎結

瑤臺綺羅晴闕千門日，鐘鼓春傳九陌雷。客子不知芳草綠，香車何處起塵埃。

謝杰奉使冊封梅花灣開舟

仙崎渡口水飛樓，十丈青蓮太乙舟。風笛數聲

江閣暮梅花，五月海門秋天高。北極星辰轉地圻，南溟日夜浮此去。若過烏鵲渚，好傳消息問牽牛。

林瀚平山懷古

翠輦金輿載恨遊
豈緣南越覓丹邱
鐘聲落日孤村寺
海色西風萬里舟

王氣消沈天地老
邊塵沙漢古今愁
傷心最是濂江水
還繞行宮山下流

釣龍臺懷古

偷閒獨上越王臺
滿目興亡事可哀
宋主行宮唯綠草
考亭舊業半蒼苔
樓船

東去家何在雲谷
春深花自開
山色不知風景別
年年江上送青來

林廷玉登九仙山

馬踏香塵曉氣清
閒尋羽客共黃精
湖邊細柳迎春媚
山半晴雲閣

樹平村釀新
籬眠草醉野歌
無調傍花行
留連且盡今宵興
漫道長庚又啓明

鄭善夫怡山長慶寺

一春伏枕鶯可憐
病起野池明
白蓮偶爾梳頭出
城郭便因看

竹到西禪天
晴求食鳥雙下
日午閉門僧
獨眠明發出江有行役
紅塵白鴈異風烟

歲晚黃山治田

幽棲已傍鳳山遠
長日看雲意獨深
漾漾江濤喧永夜
冥冥蘿月散青林

田園春近存生事
鵬鷃天高寄遠心
避地休歌飯牛曲
驚風落木歲方陰

囊山留別黃伯固

莆城東畔囊山遠
黃子芳堂碧樹深
千里獨尋鷄黍約
九峯同寄水

雲心僧前麋鹿看
人慣春後枕榔委地
陰石壁題詩芳蘚合
虎溪分手暮猿吟

木蘭陂二首

木蘭山下陂水清
南洋北洋風日晴
慣乘舴艋中流穩
頗愛棠梨兩岸明
石塹

沙堤迴海勢
鵲鵲瀾瀾亂春聲
漫向雲莊望蒲口
更從壺頂看滄瀛
木蘭山下誰作陂
將軍灘頭功已

虧滄海未銷錢女恨
路人惟誦李侯碑
秋深極浦生寒水
神至靈風滿素旗
江漢湯湯吾力薄
祠前立馬意偏遲

寒食與傅子登鼓山

絕頂天風雲亂飛海門高浪拍春衣霸圖王氣東南盡堯韭秦

花天漢稀此地賞心惟汝共萬方愁目欲何依要知寒食山中意萍梗江湖幾是非

九日登高蓋山

此日經過高蓋下忽憶去年高蓋峰祇見黃花似往日那堪衰髯向秋風

烟霞不斷重陽路勲業猶疑三島松舊國蕭條歲復晏布袍芒屨意何窮

金粟臺秋望

黿峯烏石宛相對越王城中亦壯哉正堪乘此黃花節况得銷憂金粟臺斜日

遠天寒鴈到緒風高樹暮蟬哀芙蓉冷落秋江淨故國驚心白髮催

危進送某憲副之閩

七閩風景異江鄉嶺徼緣雲去路長綠漲蠻溪榕葉暗紅蒸海

日荔枝香花間彈舌調鸚鵡月下吹簫引鳳凰行樂未終淹壯志軺車行處起秋霜

徐渭武夷道中憶呂尚賓天台之約

巖壑千重路轉
偏春陰漠漠帶

炊烟困投野店聊呼酒笑問名山數舉鞭籠鳥對人
喧曙色桃花臨水弄新年多情忽憶天台約歸去應

尋刺
曲船

鄧遷眺圓峯閣

昔年曾憩圓峯閣此日看山復過之
流水落花春去後芳林啼鳥夏初時

巖中採藥將何適江上忘筌却是誰
夕靄婆娑雙樹晚白雲縹緲鶴歸遲

陳學麟登紫蓋徐山第一峯

徐仙峯入白雲間俯視
塵寰秀鬱盤瀑水花飛

晴亦雨松濤聲撼夏偏寒逍遙霄漢輕鳬舄指顧
乾坤亦鷗冠心賞超然人世外羽人何事更騰鸞

越王北城

直北無諸萬仞山手攜紅玉共躋攀樓臺
勝奪蓬壺境城郭雄蟠虎豹闕望眼遠窮

青海外賞心間付白雲間莫言
風雨催詩句更聽松濤待月還

九仙觀

羽客樓臺畫掩扉迴峯六六駐清暉風傳花
雨來元圃雲護鐘聲出翠微金鼎丹成龍馭

杳鈞天覲罷鳳簫稀我生元
是長庚謫心想時來絳節飛

林恕登九仙觀

絳節乘雲下碧岑春風踏破紫苔深
天鷄聲斷虹橋曉丹竈烟沈玉洞陰

珠樹獨棲遼海鶴山靈長護石函金
星臺幾度簫笙沸赤鯉猶期跨月臨

崇信寺

巢雲方丈鏤潺湲流水柴門鎮日關萬壑烟
嵐秋雨裏一庭草色夕陽間香殘石鼎僧初

定簾捲巖扉鶴未還暫憩雙
林了真諦倚欄邀月獨看山

蔡天祐登鼓山

獨立青霄望海東飄然萬里御天風
潮聲乍湧春雷隱雲氣輕籠曉日紅

秦帝橋邊蓬島隔，越王臺上綺羅空。
乾坤覽勝兼懷古，歸路林鴉度夕鐘。

王守仁武夷

肩輿飛度萬峯雲，回首滄波月下聞。
海上新為蒼水使，山中又遇武夷君。
溪流

九曲粗諳路，精舍十年始及門。
稍待還家慰垂白，細探更擬在春分。

征漳寇經永定道中

將畧平生非所長，也提戎馬入汀漳。
數峯斜日旌旗遠，一道春

光鼓角揚，莫倚貳師能。
出塞極知充國善，平羌瘡痍到處曾。
無補翻憶鍾山舊草堂。

上杭喜雨三首

即看一雨洗兵戈，便覺光風轉石蘿。
順水飛檣來賈舶，絕江喧浪集漁蓑。

片雲東望憐梁國，五月南征想伏波。
長擬歸耕猶未得，鹿門初伴漸無多。
轅門春畫猶多事，竹院空閒未得過。
特放小舟尋急浪，始聞幽磬出層蘿。
山田旱久俄逢雨，野老歡騰且縱歌。
莫謂可塘終擬險，地形

原不勝人和吹角峯頭曉散軍橫空萬騎下氤氲
前旌已帶洗兵雨飛鳥猶驚捲陣雲南畝漸看農事
動東山休說凱歌聞正思鋒鏑堪揮淚一戰功成未足云

上杭南泉菴

山城經月駐旌戈亦復幽尋到薜蘿南
國已看迴甲馬東山初喜出農叢溪雲

曉渡千家雨江漲春深兩岸波暮
倚七星瞻北極絕憐蒼翠晚來多

羅倫五峯山

翠微深入興優優身世飄然閬圃遊天
界青山雲外斷地分滄海日邊浮仙家

白晝應無夜玉樹長春未覺秋歸
去客窓孤枕夢悠悠多在五峯頭

王世懋莆陽即事懷家兄元美

五馬驂驛又復東劇
憐行色有壺公江潮

不雨常生白山葉無霜也自紅野店風腥魚市近官
橋石老螭房空亦知橘柚榮堪寄只是長天少片鴻

玉華洞二首

百疊丹梯萬象懸
靈蹤巧斲是何年
金波漏石常流月
玉女支空別戴天
聖火

詎須多作竈仙糧
那用尚留田
雲房春冷難成宿
敢把塵心問偈佳
芙蓉片片滴瓊漿
十里樓臺七寶

粧玉節金車迎帝子
青獅白象坐空王
雕鏤欲殫乾
坤技岵嶸長含日夜光
聞說延津曾化劍
莫將龍氣

此中藏

大田道中

疎雨溟濛海氣饒
雙旌南去渡江遙
山烟巧簇千林葉
驛路驕侵十月潮
啼鳥似呼

泥滑滑行人厭聽馬蕭蕭
何時一曲橫塘裏
細浪輕陰引畫橈

楊叔京龍頭菴

寺對清溪水遶關
冷然鐘鼓翠微間
樓臺無影日沈海
松檜有聲風滿山

猿嘯石亭遊客散
龍歸雲洞定僧閒
詩成一笑斜陽外
獨棹扁舟泛月還

吳國倫西塔避暑

石門迴合郡城西岸幘重來路欲迷池浴九龍將雨過塔標雙鴈倚

天低酒盃無用逃河朔屐齒還如在會稽萬壑松濤吹日夜災蒸那得到禪棲

徐中行玉女潭

仙臺千尺玉為容寒照瓊樓十二重石鏡月華流桂樹錦屏秋色散芙蓉

碧簫縹緲春雲度絳雪巖巖白日逢更喜洗頭盆尚在便應晞髮卧高峯

秋日同宗子相游朝斗巖

仙掌蒼蒼倚寂寥羣峯高擁萬靈朝泉飛南斗青天

溼地拔中原紫氣驕秋到白雲留作賦客來明月坐吹簫相逢已在崆峒上何用緱山問子喬

西湖翫月東同遊

千山雨後片雲無一棹風前興不孤入座詞人高北斗開尊明月滿

西湖光依玉樹秋相媚寒照冰心病欲蘇此地夜遊經幾度未知何客得驪珠

遊武夷四首

振衣秋色起嵯峨萬壑千崖一棹過峯落鏡中開洞府槎浮樹杪出天河境遺

五嶽登封晚海接三山秘檢多他日掛冠如此地扣舷處處好高歌扁舟載酒任逶迤路轉峯迴面面

奇絕壑乍疑塵世隔澄潭更與暮秋宜風吹簫管千山應瀑帶藤蘿百尺垂十載武夷饒撫掌褰帷三過

一題詩檻外三峯列翠屏武夷絕頂此明庭溪通銀漢星辰溼山礙高天日月停尚有殘霞垂碧落忽

看孤隼破青冥若非關尹占真氣誰識東方是歲星陡壁雙開澗道幽提攜賦客泛清秋平移鼇頂千

峯立倒瀉銀河九折流玉女飛來霞作障仙人卧處石為樓共知超覽天遊盡更躡虹梯到上頭

方萬有南臺泛舟

青螺江上水連天烏府迎賓幃畫船峽口潮聲雙棹外海門山色一

尊前人依玉樹波光迴地接蓬壺雲氣鮮處處啼鶯春正好南州今已息風烟

遊九鯉湖

幾年浪跡愧山靈
此日登臨夢已醒
元鶴棲時孤月白
閒雲飛盡數峯青
旌陽罷後

稱仙史方朔由來是
歲星擬向闕門瞻
紫氣且從羽士讀黃庭

龍遂朝天嶺

咫尺星辰似可捫
蒼藤古木自朝昏
飛泉噴壑蛟龍怒
危石靈雲虎豹蹲
峭壁

青天飛去鳥清秋
白晝聽啼猿山中
老叟來相逐
指點荒原幾處村

朱梧孤山塔

千尋碧玉削芙蓉
礙石含風四五重
海入扶桑驚浪湧
山迴葱嶺翠微濃
擎天

八柱空驅石絕地
三維見此峯薄暮
濛濛秋雨急
愁雲何處挾飛龍

謝肇淞九日登鼓山絕頂

絕頂空青氣
颯然溟濛海色
暗巒烟天門
咫尺雲堪

卧霸業東南秋
可憐九日悲風吹
短髮萬方落日
咽寒泉荒臺寂寞
黃花冷故國驚心
白鴈前

鼓山禪院

上方寂寂鎖蒼藤
門掩雙峯最上層
半嶺松濤千嶂雨
數行香篆一龕燈
寒潮映月

喧殘寺獨鶴眠雲伴老僧
塵夢欲醒鐘磬動冷然
心地證三乘

石牌菴

小寮低對遠山佳
猶憶先賢舊石牌
五尺團瓢依綠蔭
半林方竹俯丹崖
木魚夜動聞僧

課蔬甲春肥供客齋
漏轉蓮花心地寂
一天霜月滿苔階

林洋寺

叢林一片掩垂藤
敗鐵生衣石闕崩
夜雨孤村聞斷磬
春畦隔水見歸僧
山荒荆棘無鄰

近嶺隔桃枝
少客登寂冥茅茨
餘四壁霜風時打佛
前燈

芙蓉寺故址

峯迴路轉莽蕭蕭
一片平田長綠苗
薜荔村深祇樹盡
芙蓉峯在化城遙
雨中

草色侵苔礎
竹裏泉聲咽
石橋野鳥啼
春猿嘯
夜居民猶自說前朝

文殊廢寺

千年靈塔委金沙
憔悴前朝古柏斜
石磴尚留青蘚篆
墓門空鎖白楊花
佛銷寶相

埋秋草僧散齋堂
餒暮鴉石馬玉魚零落盡
行人猶說梵王家

登圓峯閣謁馬仙祠

危峯俯控碧溪橫
紺殿高標接太清
樹杪雲沈千嶂色
窓前風咽亂濤聲

道人禮斗書丹籙
里婦祈靈乞化生
鸞鶴不歸春寂寂
白沙如雪暮帆輕

游元沙寺

斷鐘古瓦掩頽垣
百畝檀林盡蔗園
人向亂蘆尋野徑
僧同病葉卧山門
篆烟香燼

金猊凍禾黍
秋高石虎蹲布地
開壇消息斷一溪
霜月照啼猿

棲雲菴

小窰幽竹絕塵氛
路入溫泉野色分
地僻不聞僧院磬
山低時度女牆雲
隔江烟火孤村

嶼繞郭松楸
十里墳王氣
鷄聲俱寂寞
曲池霜葉落紛紛

南峯淨室

路轉南峰結草菴
邱蘭若老瞿曇
片雲茆屋三更雨
流水繩牀五尺龕
問法有時

過鷺嶺漱流長日到龍潭
禪心定後無人會處處香風度石楠

登龍首絕頂

縹緲蓮花第一峯
空山叢棘絕行蹤
雲生下界孤城雨
人聽斜陽半嶺鐘
海上

晴濤奔萬馬
天中積翠走羣龍
金光玉蕊知何處
欲駕鸞驂問赤松

登松山

百尺危峯水上浮
芙蓉片片俯沙洲
歸潮漁網晴初曬
絕島樓船戍未收
石壁孤懸烽火

夜銀濤高捲海門秋
年來卧治無鼙鼓
坐看滄波萬里流

宿九峯寺二首

歷遍崎嶇翠萬重
夕陽已挂寺門松
窓前平楚諸天界
雲裏青蓮九疊峯

寶地半區誰布席
殘僧數口盡為農
開山尚有宗風在
淒斷齋堂五夜鐘
千盤鳥道數重溪
昏黑藤蘿

路欲迷門榜尚題前甲子山雲猶護古招提松翻
雨當空落瀑捲晴雲繞寺低隔盡萬峰誰得到平林

一片鷗

鵝啼

遊方廣巖四首

鳥道千盤一徑微竹林蒼翠溼人衣
風傳絕壑初聞磬室倚懸巖不掩扉

石底暝雲排闥入空中晴雨作簾飛秋深燕子還相
戀棲盡寒巖不肯歸峯如懸玉路如繩行到諸天

幾百層巖敞全吞松杪寺林幽時吐夜深燈泉滋洞
裏長生樹雨濺牀頭入定僧閒倚欄杆看下半空

烟霧鎖蒼藤虛臺高枕北風涼返景時看過隙光
雲繞千峯迷怖鶴路危一線度靈羊壁間留影金身

化簷際懸空石乳香半夜鐘聲千谷響山魃驚起禮
空王五丁開鑿是何年巖作屏風石作天松塢犬

迎黃葉吠竹窓僧共白雲眠蝸涎半蝕前朝字龍首
斜飛遠澗泉塵世慙無邱壑分此身聊結此山緣

天遊觀

玉蕊丹砂不可逢且憑雙屐問仙蹤懸蘿絕磴無飛鳥亂竹空山有斷鐘壑底雲陰奔似

馬洞前松樹老如龍月明夜半吹笙罷人在蓬萊第一峯

葉向高過閩王墳二首

此無諸城北古荒邱玉馬曾傳

年王氣識眠牛山容長帶胭脂冷江影遙連菑舊秋霸業銷沈金盃出白楊衰颯使人愁空山寂寂草芊芊弓劍藏來七百年無復雄圖留海甸獨餘高塚象祁連昏鴉亂噪荒塋月古木長寒故壘烟金鳳骨消春燕去粧樓無主泣花鈿

雨中遊武夷二首

宴罷仙靈杳莫攀不堪風雨妬名山桃花忽入窮源去春水重來小

艇還玉簡刺殘秦漢後鸞笙吹入有無間他年更結尋真約乞得丹砂好駐顏羣峯朶朶吐青蓮曲曲

溪流帶曉烟每恨登臨多對雨但逢山水即尋仙十
年春草無遊屐三月桃花有客船正是諸真高會處
行雲玉女
倍堪憐

過武夷東史令君

慢亭別去想氤氲縹緲鸞笙不可聞丹闕一解鵷鷺侶青山重拜武

夷君瑤壇歲晚多靈草玉檢年深失秘文便欲誅茅來此地長從仙令挹清芬

遊方廣巖

石門窈窕度輕輿絕頂方巖切太虛荒草秋侵遊客路祥雲晴擁化人居風吹飛瀑

全成絮洞倚懸巖半結廬禮罷旗檀清磬發空山夜靜見真如

同董見龍遊靈巖觀經臺禮斗壇龍湫諸勝

名山隨處可招

歡乘夜從來頂上看禪室半將巖作瓦經臺直傍斗為壇春歸野徑花先暮雨歇龍湫水倍寒明發徘徊

溪畔路數聲
鐘磬出林端

同萬令尹蔣膳部登晦翁巖

晦翁嘗避偽學遊此有祠且廢令尹脩復之為

賦二律

寂歷巖扉畫不扃昔賢曾此授遺經年深但見松杉古人去長聞俎豆馨蒼蘚剔殘餘片

石白雲踏盡出孤亭一從鳬舄飛來後夜夜空山有客星石徑蕭蕭路幾盤荒祠瞻拜肅衣冠天涯何代無逋客海上千秋有講壇古戍梅花殘月曉荒村荔樹早霜寒懷賢莫起前朝恨留得名山此日看

同吳伯子遊八仙巖

巖去廷尉董公所居三里許自來未有跡者至廷尉始闢洞壑

甚奇足稱菡萏峯高俯碧流孟溪環繞近滄洲天海上絕勝開靈境留仙住海湧神山壯客遊古洞雲深藏蝙蝠懸崖石出象獼猴千年勝跡今方闢好對清樽共拍浮丹梯百丈接巖扉古寺青芝隱翠

微山館夜深聞虎嘯海天秋晚見鴻飛閒隨樵伴時
看奕靜掩禪關自息機我已投林君去早滄江未許
戀漁磯

登羅心塔山

治城東望海天遙誰遣中流一柱標地
擬瞿塘看滙瀕江同楊子見金焦空山

積雨無人到畫舫清尊有客招寶
塔銷沈何處問漫將遺跡說前朝

王佐遊法雲寺

魏魏紺殿擁層岡此日登臨野趣長
貝葉獨聽雙樹法金猊晴吐一爐香

雲騰瑞氣連禪榻雨落曇花滿石牀
惆悵忽聞鐘梵定數聲啼鳥背斜陽

徐勣過瑯琊王墓

八郡封疆一望遙秋山松柏冷蕭
蕭宮車去國成千古劍璽傳家歷

五朝石馬嘶風金盃出野狐穿塚寶衣
銷豐碑勅賜唐年月春雨苔花字半凋

宿鄧汝高竹林山莊

精廬遙結翠微間，借得雲窓一
夕閒。流水斷橋通古路，斜陽殘

磬下空山。犬聲似豹聞茅舍，螢火隨人入竹關。桑柘滿村堪寄隱，與君吟卧却忘還。

越城看雪

六出飄來萬戶黏，越王臺上舞纖纖。粉痕
冷浸鴛鴦瓦，玉屑晴穿翡翠簾。到處樓臺

堆白壁，幾時村店辨青帘。山陰滿路春明柳，無數飛花一夕添。

過勾漏竹林

烟靄蒼茫翠幾重，泉流石罅響淙淙。山
當曲塢蔽千竹，路入半林生一峯。蘿磴

陰中寒葉積松門，深處冷雲封石
巖。萬壑行應遍，斜日亂鳴孤寺鐘。

石牌菴

路出先賢古石牌，小菴高處竹陰埋。木
通危澗草結團瓢倚，斷崖五沸瓦鎗春後

茗數聲雲板午，前齋從來幽
僻無鄰近。風掃庭花落滿階。

冶城懷古二首

溟濛滄海冶城連，却憶無諸建國年。
十萬人家烟漠漠，三山宮闕草芊芊。

蓮花高嶺秋蕪外，金粟荒臺夕照邊。
千載龍飛遺廟在，寒鴉空噪暮雲天。
北郊荒坂暮雲平，開運中年
此戰爭甲第，朱門長樂郡。
管絃燈火晉安城，夕陽仙
觀孤鐘杳夜雨，歐池古劍鳴極目。
河山增感慨，釣龍臺上月空明。

宿九峯寺二首

遙望危峯九點蒼，寺門名額自殘唐。
莊嚴佛相新蘭若，慈悲禪師古道場。

風送茗花香半嶺，霧蒸松翠溼空廊。
東山月曉聲聞寂，卧聽鐘魚出上方。
法祖堂開七百年，古壇元不
斷爐烟金錢歲久銷，初地寶磬風高咽。
暮天野衲躬耕青嶂外，遊人夢繞白雲邊。
滄桑幾變空門劫，沒盡
先朝供佛田。

越王臺懷古

寂寞高臺翠色重居人千載吊遺蹤殿前烟雨迷銅獸江上風雷起白龍城郭

萬家猶禹貢河山八郡舊秦封昔時霸業蕭條盡空有寒潮送暮鐘

徐燧冶城懷古二首

千里山河霽色開清秋臨眺獨徘徊虹橋隱隱龍江繞雁塔雙

雙雉堞迴落日寒潮螺女渡冷烟衰草越王臺當年霸業俱塵土愁聽荒涼鳥雀哀冶城落日亂啼鴉

城上鳴鳴起暮笳四野桑麻八閩郡千村燈火萬人無諸古殿傷青草南宋行都想翠華人事已非湖水在年年風雨長蒹葭

越王臺懷古

山河如故霸圖休臺下空江水自流歲久莓苔生廟壁日斜葭蕕滿汀洲旌旗

影滅秋風冷劍戟聲沈暮雨愁莫道釣龍人已遠精靈還向夜深遊

閩王墓

玉輦何年去不回霸圖千古總成灰秋深兔穴依寒隴歲久漁燈暗夜臺故國關河既越

在遺民蘋藻鼎湖哀蓮花峯下黃昏月猶見三郎白馬來

過相思嶺憩海菴

白雲深處梵王家回望千層鳥道餘滿室空香薰貝葉一聲殘磬落

松花聽經野鹿羣依草出定山僧獨施茶禮罷瞿曇留偈別寒鴉聲裏夕陽斜

宿鼓山寺方丈二首

維摩丈室絕塵氛坐對珠龕演梵文松際窺人孤嶂月山中留

客半牀雲疎鐘出寺長林隱怪鳥啼春徹夜聞真性由來愛空寂名香親向殿前焚孤峯天畔削芙蓉

入夜遙看紫翠重一片禪心千澗水五更殘夢數聲鐘雲生淨土龍歸鉢露冷空壇鶴唳松借宿僧寮今

幾載蒼苔埋却舊遊蹤

春日法雲蘭若三首

移來書舍傍琳宮
隔斷紅塵路不通
遊屐半閒新雨後
佛幡高

掛亂雲中夜深松偃踈
簾月春盡花飛晚
磬風謾謂空門人跡少
相尋日有支公登臨正
及看花期

青草巖鞋步履宜
雨翳松聲過院冷
風傳鶯語出林遲
間尋緇錫談三昧
偶伴黃冠禮六時
自是山中堪

避俗更無蹤跡
世人知古路蒼蒼入
驚峯烟霞隔斷
往來蹤時將真偈
燈前課每與遊僧
竹下逢滿架

瑤函藏貝葉
遠村山色絢芙蓉
閑門宴坐塵緣息
又聽雲堂起暮鐘

趙世顯法雲寺對月懷蔡使君

西望烟雲晚盡收
銀蟾如鏡挂飛樓
數聲

砧杵千家夕萬里
天河一鴈秋
古寺清鐘醒鶴夢
空林寒露溼貂裘
何時得共含香侶
載酒重來此地遊

陳薦夫夜投瑞巖寺

海色蒼蒼白露寒
征途初倦叩禪關
似聞僧語青冥上
乍見窓

開黃葉間清梵聽來山月曉荷衣溼盡嶺
雲還心知淨境誰留滯坐向松關一夕閒

曾仕鑑平遠臺

平遠臺前日欲曛東來形勝望中分
玉蟬近綴鰲峯石金粟遙連馬瀆雲

王會自來通禹貢霸國猶憶抗秦軍
仙山羽鶴今何處城上千年一度聞

登樣樓

無諸城北樣樓開萬井烟花拂檻迴化鯉代
遙仙觀在釣龍人去霸圖灰海通南越天邊

盡山引東甌樹杪來日暮思
鄉更懷古水雲迢遞獨登臺

袁敬烈秋日過王審知墓

經過下馬薦江蘿百代銷
沈弔豈知足踏孤墳崩敗

土手披荒莽見殘碑築城猶說陶磚日卜師空
傳拜劍時已自逢秋悲宋玉更看興廢淚雙垂

鄭琰屠緯真席上賦得閩中山海珍怪四首

海上孤城控大

荒管絃聲裏六街香荔枝新剥琉璃滑柚肉初開琥
珀光赤甲美人還有舌紅螯公子已無腸思鱸客尚
投簪去語罷徒令憶故鄉風捲旌旗暗軸轡龜鼉
吹浪島雲孤燕窩細自盤銀縷鯨子光凝迸月珠月
出山魈驅虎豹潮平海鬼探珊瑚日南貢道雄天壑
夜夜神魚送寶杼五嶺雄關瘴霧開千溪如帶自
天來幔亭橋斷虹蛻老劍浦灘崩黯淡哀赤鯉湖邊
仙子宅白龍江上越王臺鵬鵬秋起波濤怒鎮海樓
高鼓角催山海重關控福唐一春榕葉暗江鄉樓
船絕島窺蛟室舴艋乘潮折蠺房紅綻芭蕉霜後色
白簪茉莉月中香窮取自昔
稱鄒魯今日詞華更擅塲

憶昇山讀書處

學劍無成客鬢催故園空鎖任仙臺
泉鳴石几琴先響風落山窓書自開

明月送潮螺女吼寒霜照海雁臣哀
梅花落盡無消息魂斷何時驛使來

北山招隱菴

松濤瀑布枕前聞
石鼎旂檀夜自焚
招隱已成南國夢
著書休訝北山文
捲簾

幽鳥窺紅藥
倚檻晴峯戀白雲
野鶴寒猿同寂寞
詩題頻與老僧分

龍谿道中

萬山如黛鷓鴣悲
客子哀時匹馬遲
荒塚亂穿鼯鼠穴
古牆斜出野棠枝
五橋雨暗

江妃廟四月花深越
帝祠獨向關河頻
送目愁心應有野猿知

陳宏已經半山廢寺

絕頂登臨落日回
半山蕭瑟不勝哀
寺經雷後無僧住
路入雲

中少客來九月野花開
似菊千年石柱繡成苔
空門生滅元如此
何問咸陽幾劫灰

陳价夫羅山館早秋

木柝聲殊暮壑哀
鄰家白苧已先裁
浮雲半掩無諸郭
落日斜

橫金粟臺檣葉滿階
風乍起繁霜入戶雁初來
小山芳草青如剪
歲晚應悲白露催

鄧原岳遊鳳邱二首

烏石峯前鴉亂飛，天風吹冷薜蘿衣。
烟迷島嶼浮青靄，日入溪

山淨翠微石壁草荒殘，刻隄丹壚藥化昔人非。
白雲滿袖芒屨溼，身自瑤臺頂上歸。
日落汀洲江吐雲，君王遺殿晚氤氳。
樓船北出鄱陽道，劍璽東歸威武軍。
馬瀆潮平天外直，龍湫浪湧夜深聞。
一時霸業堪蕭索，愁對青山越水濱。

余翔春日，和蔡伯華題瑞巖之作

海上孤峯削不成，春來延眺薜蘿清。

孟傾竹葉青山醉，石掃蓮花彩筆橫。
飛蓋低松雲欲墜，行歌出谷鳥初鳴。
孤臣莫洒中原淚，一滴長沙萬古名。

烏石山燕集

望裏青山一片孤，登臨高嘯共吾徒。
萬家烟樹還明滅，九月江鴻乍有無。
滄海

淼茫虛蜃氣白雲搖曳隱浮屠尊
前俱是悲秋者憔悴何如楚大夫

飲龍峯亭

汗漫相逢秋色深興來高閣共登臨雲間
睥睨羣峯出日隱松杉獨鳥吟流水尊前

調綠綺寒花籬畔散黃金娟娟
一片城頭月相對狂歌思不禁

陳鳴鶴題溪源宮

不隨烟火逐繁華來訪桃源道士
家日暮繞村啼杜宇春深滿地雨

松花鶴迷遠岫唳明月馬度孤峯跨落
霞古竈寂寥何足問仙人無用化丹砂

遊壽山

香燈零落寺門低施食臺空杜宇啼山殿舊
基伴白水陂田新黍啄黃鷄千枚碁璞多藏

玉一日風烟半渡溪康樂莫
言雙屐倦芙蓉只在九峯西

石牌菴

雨細風斜過石牌精廬猶隔數重崖雲中客
路高於鳥竹裏僧寮小似蝸行道共持諸品

咒隨堂同赴八闌齋夜闌露
坐心如水流盡松花月滿階

宿九峯寺二首

入山便覺意欣然
定與山靈有宿緣
斷續九峯都繞寺
住持幾衆盡耕田

樹圍絕巘鶯聲外
水咽危橋鳥道邊
行遍空廊聞擊竹
何人參破祖師禪
空濛山色雨中奇
百里看山策杖遲
苔徑烟花唐寶筏
石壇香火慧禪師
雲邊坐看長流水
松下閒抄半折碑
蘿磬數聲功課後
觀心欄最是倚

馬歛武夷山四首

竹杖芒屨憩小亭
十年幾度訪山靈
却憐客髻還添白
何似峯頭不

改青洞冷胡麻和雪
巖門閒瑤草帶雲
扁芙蓉一朶清溪上
玉女臨妝出隱屏
五丁何日鑿奇峯
湧地浮空翠幾重
壇上蘚荒原漢祀
巖邊松老豈秦封
一聲夜笛來元鶴
千尺寒流掛玉龍
欲問塵心消絕處

霜天清徹夢餘鐘
為檢靈文讀古苔
步虛幾曲望丹臺
石從織女機頭墜
霞自仙人掌上裁
水樂晚吹鸞轡過
山花冬發鹿啣來
浮名未斷盧生想
那得邯鄲一枕灰
相從道士采昌陽
清磬傳聲禮玉皇
紫閣似將逢燕履
丹爐猶自覓蟾肪
烟成五色留衣帶
香遞三花度筆牀
明日扁舟衝浪去
桃源深處訪劉郎

豐熙太武山

一山高出萬山巔
絕頂相傳舊有仙
朱草紫芝雲外地
碧桃紅杏洞中天
石盤

碁散收殘子
藥竈丹成起斷烟
借問王喬真甲子
尋常七日是千年

邱武屏山

一曲清溪萬仞山
畫屏晴影蘸波瀾
暖烟淡鎖琉璃潤
香霧輕籠翡翠寒
林下笙歌

春鳥弄巖前
羅綺曉花攢興來
讀罷羊元句
搔首斜陽子細看

孟充天然菴

印鎖琴堂吏散衙肩輿遠入梵王家孤舟泛泛橫荒渡一犬寥寥吠落花竹引

山泉寒滴月藤牽石磴細侵霞由來靜坐堪消日何必雲門與若耶

游士豪飲平遠臺

羣峯面面削芙蓉翠壓層臺樹萬重落日影含孤塞鴈微風聲斷遠

山鐘一尊對客呼明月獨鶴迎人下古松招隱空迴王子棹剡溪興盡不相從

何景明寄題鄭善夫桑苧園

三山今有鄭公園避俗從來亦避喧蘿竹青青

垂谷口花林靄靄覆桃源天邊鴻雁春寥廓海畔蛟龍畫曲蟠南海尺書招隱意白雲叢桂幾攀翻

鄭桀飛來山

三台石室寶重重踏破烟霞有路通覆徑雲間仙竈冷採芝人去洞門空一溪

流水鳴寒玉兩岸桃花笑暖風幽興頗關黃老術藏脩無地問喬松

黃克晦東園宴集

千峯爭擁郭門西
東郭開園翠轉迷
鷄犬半村依綠野
江潮百里繞

平隄簷前水黑臨池雨
牆外花成問字蹊
不識何年高卧穩
重來春酒任扶攜

惠陽傷亂

東粵重來倍黯然
荒村古堡暗蒼烟
山中故老無歸業
水上新民未種田
江燕春深

巢樹腹野狐日落吠溪邊
東風那管亂離事
草色藤花似往年

陸弼入閩關

郡城馬上俯崔嵬
海色遙臨睥睨迴
萬里職方周地盡
千年風氣漢時開
危峯

春晚常吹雪急峽天晴忽湧雷
聞道粵南猶列戍
將軍誰是伏波才

王文旭水西晚眺

南郭青山看未休
孤舟直汴水西頭
林邊古寺連茅舍
江上誰家傍

竹樓濁酒滿斟呼
野老短篷斜倚對汀鷗
從今生計何須問
欲與漁翁作釣儔

車大任登鎮海樓

樓粵王山湧海潮流山上嵯峨鎮海

城秋遙天鴈斷蒹葭冷絕島鯨翻鼓角
愁果是何人能借箸東來保障拱皇州

許天錫遊元沙寺

芙蓉面面擁飛峯布地金沙一萬
松鳥語隔窓呼醉夢山光入座盪

吟胃雲絨貝葉函函潤苔蝕碑文字
封瘦馬東西十年事幾回來此益疎慵

黃文煥姬巖四首

天作高峯列五鷄峯頭咫尺與天
齊還丹拔宅人何在流水閒花路

未迷放眼已窮滄海外振衣猶躡白雲西此中只許
過笙鶴無數寒猿不敢啼為問山中真面目漫將

色相較名姬晴光半擁芙蓉影遠照斜分翠黛眉片
片落霞皆錦綺層層曉霧下簾帷人間信有天台路
莫道高唐夢盡非攀紅躋綠入山光葉底花邊步
步春陵谷無情忘漢魏人天相接到羲皇泉飛絕壁

虹流彩烟鎖千林日射芒起坐不知凡萬仞俯看歸
鳥背斜陽疎林列壁曉蒼蒼清磬一聲出上方鳥
下齋堂無恐怖龍歸古洞有輝光山文疊浪翻千島
雲氣迷天接大荒夜靜半龕燈影溼晴芳吹霧上衣
裳

許豸越王臺懷古

雄圖消歇暮潮西烟浸長橋柳葉
齊廢井草生龍已去荒臺花落鳥

空啼江喧釣碣闕關險雨暗穹碑漢篆
迷千載登臨遙極目海天空闊鴈行低

登名山室

梅花歷亂在巖扉鳥道幽深轉翠微滿院
白雲禪榻冷半山殘雨水簾飛猿盤古樹

窺僧竈葉落香壇點衲衣不用
虎溪遙送客廬山高士已忘歸

鄭孔村靈巖

撥却塵懷強自寬瘦筇扶步訪名山坐
看流水心偏靜吟到落花春已闌梵剎

古碑蒼蘚合草堂殘礎白雲寒清
風高節今還在欲酌幽馨想未難

孫瑤登樓雲嶺

宿雨初收海日浮晴嵐不斷曙光流
碧雲縹緲三山近紫霧氤氳萬壑幽

已見仙人乘白鶴不妨老子跨青牛
幾回覽勝占雲物王氣葱葱億萬秋

林希元題御踏石

六飛一去不復返此地猶傳帝子
行萬里山河無駐足數堆盤石尚

留名天寒水冷魚龍泣海闊風高鴻鴈
鳴千古乾坤同逆旅英雄遺恨幾時年

林唐臣圓山

山宮曾記夢朱衣十二圓峯紫翠迷一
片溼雲初過雨半篙新漲已平溪笙歌

彩鳳空中下劍化羣龍匣底嘶何
日神丹成九轉從公來聽枕中鷄

黎應物海雲山

巖扉高敞海雲巔此地王姬舊度仙
石磴香塵飛玉屑粧臺枯蘚印金鉤

帳空鶴怨餘千載花落鶯啼別一天
絕頂靈龜如可問卜居終日濯甘泉

葉元玉東華山

出郭相將二里賒寺鐘鳴處是東華
直躋絕頂三千仞俯視平原幾萬家

流水竟朝東海去長安不是片雲遮
風流自笑非安石也有登山興未涯

劉璋延平城

突兀孤城石作梯酒帘搖曳路東西一
番白雨漲溪壑兩岸青山啼竹鷄榕徑

陰森疑畫晦筆峯高拔覺天低莫
愁衰老無筋力欲上仙亭散馬蹄

吳復含雲亭

嵐烟消盡翠屏開蘿磴清幽半是苔孤
鶴巢邊松偃蹇白雲棲處路縈迴秋高

古戍風清閣夜半疎鐘月滿臺中
有前朝僧寺在先賢曾此讀書來

黃道周同林守一李文仲林君若陳英子送洪尊光

鄭牧仲遊武夷六首

一再經過好下車
鷄盟深創到枯魚
漸將殘夢酬新局
悔不局

雲註舊書世外星辰輕作客
山前猿鶴老愁予不知
晉魏飄零後多少
高人此卜居
石樓曲折紫崖陰

見爾長懸綺皓心
未必琪花生鐵嶂
果然芝草似危岑
關將真氣防來鑿
撲得樵風老不禁
從此便迴俗

士駕故山石笋細蕭森

朱門多改邵平瓜
臘有

青山白著花
豪客不爭雲物帳
官人莫稅舊寮茶
漫

談洞脈三千里已探靈符七十家
黑髮幾時今破雪
與誰領畧老烟霞
叢桂藤梯久絕緣
松楠不記與

齊年世從入漢知名後
人自逃秦未過前
判得數分
歸老子捫將細罇問諸天
終南玉屋無棲處
自漱雲

芽與鹿眠
溪雲太瘦石泉癯
閒却溪聲老釣徒
瓊榻不為高士下
紫圀可有素書無
林間鹿起三株樹

竈下人通五嶽圖
最憶嚴灘灘上路
羊裘藉草共樵蘇
簾洞雲深溯未從
舟輕波駛失從容
三生嶺外

無多逕石鼓崖前又數峯
鶴爪擘窠分水脈魚鱗
著樹上油松日斜欲出裴村路
愧聽幔亭子夜鐘

曹學佺楓亭

長亭山勢倚岩堯半壁斜陽散採樵
野燒輕陰遙度水海門宣市乍歸潮
蘆花

古戍生殘角木葉西風過斷橋
回首不堪天路遠馬頭塵夢又今宵

清源絕頂

輕重重澗道入雲登忽接空香最上層
松下輕烟埋斷碣塔中殘照送歸僧
遠江蛟吹

千帆雨絕壑孤餐一樹冰
衣帶天風吹落盡危闌蕭瑟不堪凭

西湖

兀坐齋頭對此君閒游率爾便為羣
許多烟景隨鶯住強半春光與客分
久雨乍晴花盡放易

寒成暖酒微曛墨池何處
尋遺跡大夢山前雜暮雲

國朝張士楷高東溪讀易處

東溪讀易幽棲處只在梁
山白石菴當日闕庭須慟

哭逐臣蹤跡又江潭年來碧草更開謝手植青松有二三到底宋家偏泯滅杜鵑飛北鷓鴣南

馬口溪

宋室臨危貪釋褐公車射策滿平沙閣將丞相千行淚開遍春風百草花野殿宵衣能立

國宮袍畫錦已無家空談久被書生誤誰執干戈衛翠華

漳江懷古

布衣陳子出清漳一紙圓圖感睿皇此理已通天地極伊人宛在水中央如何兩疏

歸黃閣只博孤碑鎮白楊自是大臣多絳灌至今遺恨李南陽

過木綿菴二首

景定咸淳事已非湖山燈火夜深輝但聞蟋蟀三秋鬪誰問裏樊六載圍

北使倒持蘇武節西河真阻季孫歸如何一死償宗社監押猶煩寶劍揮尚方斬馬定須攜討賊捐軀未愴悽往事已埋花草下斜陽自轉木綿西征蠻卻愛俞都護勒石能標鄭會稽千古快心惟此地春風

莫遣杜
鵬啼

福建通志卷七十七

欽定四庫全書

福建通志卷七十八

藝文十一

詩
五言排律

唐黃滔壺山

八面峯巒秀孤高可偶然數人遊頂上滄海見東邊不信無靈洞相傳有古仙橘如

珠夏實池象月垂穿髻鬢嘗聞樂峇窺半插天山寒
徹三伏松偃出千年樵牧時迷所倉箱歲疊川嚴祠
風雨管怪木薜蘿纏青草方中藥蒼苔石裏錢瓊津
流乳竇春色駐芝田烏兔中時近龍蛇蟄處羶嘉名
光列土秀氣產羣賢瀑鎖瑤臺路溪昇釣浦船鼇頭
擎恐沒地軸壓應旋觸疾寒甘露藏珍起瑞煙畫工

飛夢寐詩客寄林泉
掘地多雲母緣霜少木綿
井通鮑吐脈僧隔虎棲禪
危磴千尋拔奇花四季鮮
鷓歸懸圃少鳳下碧梧偏
桃易炎涼熟茶惟醉醒煎
村家蒙棗栗俗骨爽猿蟬
谷語遷喬鳥波開共蒂蓮
落楓丹葉舞新歲紫芽拳
翠竹雕羌笛懸藤煮蜀箋
白雲長掩映流水別潺湲
作賦前儒闕冲虛南國先
省郎求牧看野老葺齋眠
寺歷興衰創碑須一二鐫
清吟思却隱簪紱奈縈牽

福州天王寺

郭內青山寺難論此崛奇
白雲生院落流水下城池
石象風雷啟江沙鼎鼐期

嶽僧來坐夏秦客會題詩
岡轉泉根滑門昇薜綬危
紫薇今日句黃絹昔年碑
歌鷓松低閣鳴蛩徑出籬
粉垣千堵束金塔九層支
啼鳥笙簧韻開花錦繡安
清齋奔井邑元髮割熊羆
極浦征帆小平蕪落日遲
風篁清却暑煙草綠無時
信士三公作靈蹤四絕推
良遊如不宿明月擬何之

馬戴送僧歸閩中舊寺

寺隔海山遙帆前落葉颺斷

浮波島煙蘿渡石橋鐘聲催野飯秋色落寒潮舊
社人多老閒房樹半凋空林容病士歲晚待相昭

秦系九日山中閒居

客在煙霞裏閒閒逐狎鷗終年
常裏足連日半蓬頭帶月乘漁

艇迎寒綻鹿裘已於人事少多被挂冠留素業惟千
卷清風擅一邱蒼黃拄藜杖偃僂覩銀鈎迹愧巢由
隱才非管樂儔從來
自多病不是傲王侯

陳元光漳州新城秋宴

地險行臺壯天清景幕新鴻
飛青嶂杳鷺點碧波真風肅

天如水霜高月散銀嬋娟爭潏眼廉潔正成隣東湧
滄溟玉西呈碧巘珍畫船拖素練朱榭映紅雲琥珀
盃方酌鮫綃席未塵秦簫吹引鳳鄒律奏生春縹
緲纖歌遏婆婆妙舞神會知冥冥處百怪惱精魂

曉發佛潭橋

朝瞰催上道
兔魄欲西沈
去雁長空沒
飛花曲徑深
車沿橋樹往
詩落海鷗吟

馬鬣期風聳龍旗
閃電臨峯攢仙掌
巧露重將袍陰
農喚耕春早僧迎展拜欽
看看葵日麗
照破艷陽心

丁儒歸閒詩二十韻

漳北遙開郡
泉南久罷屯
歸尋初旅寓
喜作舊鄉隣
好鳥鳴簷

竹村黎愛幕
臣土音今聽慣
民俗始知淳
烽火無傳
警江山已淨
塵天開一歲
暖花發四時
春雜卉三冬

綠嘉禾兩度新
俚歌聲靡曼
抹酒味溫醇
錦苑來丹
荔清波出素鱗
芭蕉金剖潤
龍眼玉生津
蜜取花間

液柑藏樹上
珍醉宜諸蔗
溼睡穩木棉
溫茉莉香籬
落榕陰決里
闌雪霜偏避
地風景獨推
閨辭國來諸

屬於茲締六親
追隨情語好
問饋歲時頻
相送朝和
夕渾忘越與秦
功成在炎域
事定有閒身
詞賦聊酬

和才名任隱
淪呼童多種
植長是此方
人

曹松送陳樵校書歸泉州

巨塔列名題詩心亦罕齊
除官京下闕乞假海門西

別席侵殘漏歸程避戰輦關遙秦雁斷家近瘴雲低
候馬春風館迎船曉月溪帝京須早入莫被刺桐迷

宋李綱題天寧明極堂

久客若飛蓬年年氣味同猶欣
容榻地更得化人宮鬱勃炎蒸

極巍巍棟宇雄疎林碎搖月虛館迴含風萬井軒楹
外三山指顧中靈潮自朝夕大舶若西東張望關河

遠蒼茫雲海空餘生
寄閒曠任運學龐翁

李堪極樂寺

空門出白雲梵宇依蒼岫天色湛瑤光
春花結野秀簷間綺羅被池底星珠漏

香沈煙篆餘文兼雨碑舊恬智靜可養寂寞誰復扣
逍遙隱葉猿盤薄穿花溜團團草露晞瑟瑟空香逗
層臺太虛半雙壑瀑泉透苔空綠錢死松老清陰瘦
獨鶴修飛騫深蘿苦紛構歸淦待沃州芥子觀靈鷲

淨土人不來
塵寰廓然畫

董淵龍龕山靈峯院

碣落彌沙界
豁舒古洞天
門鄰金布地
橋枕玉鳴泉
庭鶴歸迷

主龕龍去失年掃靈嫌俗駕題壁詫詩仙
勝景無今古居人有後先不知游者馭誰見海為田

元吳師道題蕃宣樓送山僉憲之閩

大府開閩土危樓
鎮海涯飛雲浮畫

棟麗日照高牙昔駐蕃侯馬今迎使者車
三山歸指顧萬井仰光華縹緲臨城郭逍遙散吏衙
榕陰千樹翠荔子半空霞嶺嶠俱清謐賓僚亦靜嘉
宣風問民俗作屏扞皇家去去青冥樾依依紫禁花
登高應有賦留待碧窓紗

明林鴻桃溪春漲

桃源春二月花雨落晨昏谷口流
新玉磯頭沒舊痕平橋回岸斷遠浦怨

濤翻洶湧鳴湍石瀾漫出硤門乍疑雲夢
澤恍訝武陵源美彼垂綸者寥寥遠世喧

五馬山

青山繞南郭簷外五峯高爽氣朝凝笏嵐光
翠濕袍微茫分曝色蒼莽雜松濤勢與雲鵬

遠深疑霧豹韜登臨成藻句點染
寄霜毫最喜鳴琴者公餘列俊髦

周元道山清冷臺

松門媚煙景探玩輟輕策林谷諧
宿懽川雲返初跡鳴絃希叔夜躡

屐企安石妙賞心遇元芳遊髮驚白詎
接鄒魯籍俯仰百年間能為幾時客晨風應序至好
鳥欣春及物候俱有情人生豈無適餘花映
尊俎落日散巾舄笑語澹忘歸重期諒超隔

王恭書送陳烈授國子監說書誥後

吾愛陳夫子名
高慶歷中官卑

心獨苦跡隱道彌通屢薦金門刺難羈碧水銅七閩
沾化雨百世仰儒風芸閣絲綸在芹宮祀饗同雲孫

憐故物應
復繼其蹤

方萬有遊玉華洞十六韻

古洞憑誰鑿石門一竇通
谷深常晝黑徑轉忽途窮

東炬驚山廻牽蘿傍野童
嵯峨緣鳥道窈窕探龍宮
雪乳夏仍白瓊英冬更紅
飛來峯縹緲倒挂石龍從
靈象琉璃界元蹤碧玉叢
樓臺何峻聳鐘鼓自玲瓏
幕結千巖霧隙噓萬壑風
尋幽忘窳籥歷險瞰虛空
路盡天光透雲浮月色朧
徑平堪展席穴曠類窺窓
恠特真珠狀瑰奇別化工
眩眸疑夢幻撫景想鴻濛
迴出塵寰外恍遊仙島中
躊躇日欲暝勝蹟豈重逢

鄭善夫劍州

溪聲下點淡山意會延平
激漩當天險橫霄極地形
黃堂嚴上界屢舍倚高城

龍劍真能合虹橋本易成
茶菰流土物稊秣得人生
李子漁伊嫡劉蒞卓魯勅
士多通古學民不廢巖耕

何處深傳檄茲邦乃苦兵方將採竹箭
何暇糝藜羹正賴賢官府艱虞繫物情

王輒龍頭巷

複閣依蒼壁飛藤掛瀑流煙霞開曉色
禾黍動清秋鶴繞仙家樹雲歸釋氏樓

磴危窮碧落地勝即丹邱卜築懷招隱
登高賦遠遊君看朱紱者誰為白雲留

林世壁陪龔祭酒遊鼓山絕頂作

仙島鬱嵯峨乘閒
此日過山花迎羽

蓋谷鳥雜笙歌梵宇依林樾巖亭蔭薜蘿眼中滄海
小衣上白雲多曠野千峯暮遙空萬象羅翻慚賓從
後揮袂
接星河

臺江泛舟觀競渡

共喜朱明日言從畫舫遊山川新
雨歇雲樹夕陽留夾岸垂蘿裊數

家叢竹幽芰荷迎舞席蕭鼓擁中流傳說懷沙恨猶
存弔古愁歲華聊自遣風俗尚堪酬積水清無暑飄

風唄似秋樓臺宜霽景羅綺艷芳洲棹若天
邊下人疑鏡裏浮渡頭菱唱晚歸路獨夷猶

遊西禪寺

曉色帶江城疎林空翠晴
得賞心清寶剎凌雲聳金繩倚月明巖花

相映發谷鳥自和鳴世界人天接河山歲序更佛香
煙共暝法鏡月俱盈悟理非關象超元詎可名云何
牽世網擾擾負平生

葉向高瑞巖寺

自愛名山好頻來問遠公危峯幻窈
窕怪石削玲瓏躡磴方疑墜穿雲路

忽通苔深蚪蚪字塔隱蕊珠宮波靜江如鏡林開月
似弓飛觴臨水洞移榻就松風棋響疎鐘外歌聲別
院中長憐詩作癖誰識色成空多病塵緣薄探奇勝
地窮平原情不淺河朔意偏雄轉憶曾遊者今朝若

同簡

陳宏已石門寺十二韻

城放風花亂山藏石水稠
言尋中浣暇共作暮春遊
澗道

循源遠雲林抱寺幽洞窮
纔見剎樹密不遮樓仄逕
妨騎馬高峯指鬬牛攀蘿
穿石壁洗藥選清流軟草
分曹坐殘觴次第浮地疑
綿叢野時似永和秋潭
暝鐘聲起村空樹影收詠
歸歡未極江月巧相留

傳汝舟遊玉筍山

玉筍開山遠金壇瞰谷重
靈光流世界瑞氣渾春冬
險澀千盤磴參

差百轉峯宿雲長抱殿遊
鶴不歸松虎澗泉為雨鯨
樓石作鐘韭抽堯葉淨桃
發漢花濃道士隨黃犢仙
人駕赤龍丹鑪七焰滅瓊
籙九霄封亂竹通
飛佩繁芝碍放筇愧為福
地客叨躡羨門蹤

尤光被遊金粟寺

暫解風塵珮琴尊聽所之
江頭搖桂棹天際望招提
幽谷鳴鐘處殘

風落葉時香臺依翠嶽金
粟泛瑤庖生意秋蘭共禪
心野鶴知堂虛雲入幕樓
迴月臨池蜃氣滄溟近鼇

宮碧島移豪吟來谷鳥孤嘯聽山魑祕迹窺丹洞仙
源摘紫芝陶花聊共醉謝屐頓忘疲徙倚松蘿外悠
然愜
所思

林守鹿西湖觀競渡

一曲湖如鏡輕舟隱菱荷況當
懸父節共聽采菱歌棹影羣龍

戲濤聲萬馬過揖飛晴散雨鼓急水驚波藉草紅裙
密鳴榔錦袖多戰酣殘暑失酒醒晚風和勝事追河
朔英魂弔汨羅人歸
纖月上良夜樂如何

遊聖泉

東山開寶刹傳是景龍年野迳緣溪遠層峯
繞郭偏錫飛初得地禽戲忽成泉竹老陰常

覆松枯脈暗穿鹿分甘露水龍出講經筵香闕諸天
近霜鐘萬壑傳沈灰原有劫滄海已為田雲鎖門雙
塔林圍屋數椽哀濤驚鶴夢敗葉擁僧眠霜落祇林
樹苔深法座蓮稀聞來杖屨誰復布金錢廢洞迷靈

跡殘碑失古，錫六時荒院。磬一炷，斷壚煙鐵像。他寮寄珠幡，盡日懸樵人。尋舊址，行客弔新阡。跌藉蒲團，穩登知蠟屐。便悲風初廣，莫殘照且虞淵。碧殿猿啼裏，懸巖鳥道邊。城陰浮薄靄，燒影引歸鞭。回首興亡地，空林咽暮蟬。

徐燠遊方廣巖絕頂二十四韻

方廣華巖地，神州一洞天。寺藏青嶂裏，路

繞白雲邊。氣候晴兼雨，峯巒斷復連。樹枝多擁腫，蘿磴自盤旋。猿嘯聽經石，龍生洗鉢泉。水簾天際捲，鍾乳半空懸。境出塵寰外，巖開混沌前。金身餘五百，世界度三千。淨室憐飛瀑，沙彌種石田。空門灰幾刼，削壁字何年。谷有靈羊險，山從鳥道緣。地偏堪避世，境寂可安禪。貝葉飄香界，曇花落法筵。桑門同客饌，石榻伴僧眠。已得澄心訣，渾忘俗累牽。探奇情未已，躋險興翩然。披莽尋支逕，捫蘿到上巔。畏途猶噦噍，側

足更迤邐，予聲俱喘。蹣跚膝在肩，聳身摩斗柄。迴
睇眇雲煙，遠水看如帶。重岡小似拳，祇疑天闕近。還
聽谷聲傳，客有元暉趣。僧如支遁賢，從茲尋覺路。長此奉金仙。

陳鈺鴈峯

平地三峯起，凌虛一氣齊。雲間星斗近，島外海天低。秀地連孤嶂，清暉落大堤。嶺分

盤石北，水繞太常西。喬木森森出，寒猿故故啼。興來乘白鶴，吟罷駐青藜。風物今猶盛，才名昔屢題。郎官

公暇日，雙鳥上雲梯。

吳兆閏中風土十韻寄金陵知己

風氣南來異，行行歲月賒。梅香踰五

嶺，猿響類三巴。時見蠻煙黑，還驚左語譁。舟中喧水碓，城上出人家。荔子家家種，榕陰處處遮。居民晴著屐，市女晚簪花。短蜮能伺影，雌魚會噴沙。鰻房經雨吐，石蛙入春華。劍浦龍何在，螺江事可嗟。好遊非向

子錄異是王嘉鄉信難逢雁歸期
易及瓜吾生從汗漫世路更無涯

國朝宮鴻厯閩中紀事

百越雄南服三山近海陸不知
天隔閩坐覺地支離石氣干林

黥波聲萬馬嘶迢迢過嶺日黯淡下灘時蠻俗聊供
笑方言可拾遺地曾無朔雪人不解流澌草木誰編

譜禽虫任闕疑聊因耳目暇一廣見聞資艷目惟園
果垂涎首荔枝麝臍香易落石背食先姜絳實盈筐

瀉晶丸帶葉垂還愁穰孕蚤或售五人欺亦可封泥
活無勞置驛馳細枝防護密龍眼唱歌遲佛手寧非

柿鰕頭儼似螭品茶知太姥咋舌羨西施柱剖江珧
美春隨海扇移珠蚌佐羹臠石蛙長菱蕤蠢動憐沙

喫蹒跚笑海螭飛翔龍蝨出束縛虎蟬蛟鯨鱗空盈
甕蘭湯亦滿匙珠娘擔石過颺母踏波嬉象譯唐朝

壤錢刀宋代質雕鐫疑鬼物刻畫見鬚眉秣厲千章
樹倚蘭九畹姿龍頭熱燈火魚鮑絡藤絲蠶戶因波

出磴田帶火治搏沙珠傘孕告廟土牛為魚訐連山
大罇堪一本支竹森如擲火榕蔭似披帷俗習干戈
便人操硯席隨蛭苗代錢鑄螺甲透襪襪卷舌侏離
語文身漫浪兒稗官留小說淫鬼踞高祠述異資談
藪催詩倩酒卮荒唐來絕域懷抱向京師鐘鼎諸公
業山林我輩期雖憐趨舍異未覺性情歧大海雖蠡
測奇聞只管窺采風
誰氏職聊用播聲詩

詩 七言排律

唐徐夔詠泉山瀑布

名齊火浣溢山椒誰把驚虹挂一條
天外倚來秋水刃海心飛上白

龍綃民田鑿斷雲根引僧圍穿通竹影澆噴石似煙
輕漠漠濺崖如雨冷瀟瀟水中蠶緒纏蒼壁日裏虹
精挂絳霄寒漱綠陰仙桂老碎流紅艷野桃天千尋
練寫長年在六出花開夏日消急恐劃分青嶂骨久

應棚裂翠微腰濯纓便可譏漁父洗耳還宜傲帝堯
林際援揉偏得飯岸邊烏鵲擬為橋赤城未到詩先
寄廬阜曾遊夢已遙數夜積霖聲更遠郡樓歌枕聽良宵

宋喬孝本郡齋四亭詩為元給事絳賦

元侯選勝重經營地取園心正

且平揆日募工踰再決創亭合樂落初成窓開四面
綠忠孝榜揭新封紀寵榮隱隱湖山藏故國漫漫煙
水隔都城低迷疊嶂迴峯抱繚繞芳叢列艷迎臺上
臨風共瀟灑花間夢蝶助淒清枕流小檻歌前沼散
綺幽軒接後薨舊景周環如有待夕陽偏照似多情
縈紆碧沚通潮浦左右脩篁拂畫楹自昔甘棠雖足
受會稽從此擅佳名

明王恭碁山避暑作

塵中何處避炎蒸靜愛空王澹愛
僧沙界樹涼晴乍雨石渠泉響暗

流水青山載酒隨閒到飛閣觀潮倚醉登水遶蓮花
通寶藏路迴蘭若轉金繩仙人碁局埋幽草大士禪
扉閉古藤荒殿鳥啼時近榻香臺猿卧夜窺燈老來
行止愁無地病後歡攜媿有朋明發別離方外去何
時清興
又同乘

鄭善夫九日登馬坑諸山望九峰道南祠記事

縣南平

重陽至強起登高風雨朝烏帽黃花脩舊事風流人
物憶前朝東南形勝山川固閩粵衣冠氣象饒千樹
早霜寒自積一潭秋水澹相搖漢王俎豆還宮廟劉
守勲名已寂寥羣盜檄書隨處滿萬方兵甲幾時銷
年荒白晝三軍譟日遠黃堂五馬驕病後故人俱杳
莫幸然勝事不蕭條人兼鄴下何須避誼重淮南定
見招青眼豈辭鸚鵡蓋白袍更上木蘭撓四賢道近
源流斷雙劍龍潛歲月遙桂樹叢生江草長不妨志

士道
漁樵

方萬有遊九鯉湖二十韻

鴻濛秀闢此山川華蓋名
齊海內傳但道神仙留玉

鳥却從河漢著金鞭紆迴林外疑無地廓落人間別
有天乍見銀濤翻樹杪忽驚寶鏡掛山巔水晶闌檻
龍宮寂雲棧藤蘿鳥道懸一竇直通九漈下半空高
挿數峯連雷轟霹靂驚千里壁繡嶙峋祝萬年瀑布
珠簾晴亦雨藥壚丹竈晝還煙九苞彩鳳飛丹穴五
色晴虹吸澗泉玉筋閒垂知辟穀棋盤罷著想藏玄
斜通霄漢星聯五細數梅花歲歷千陰霧霏微瑤洞
閑浮雲來往石門便將軍何事鷹揚立仙子時乘鶴
馭還自是乾坤呈幻蹟遂令山水占名仙赤城雁宕
應誰讓白嶽元都豈獨先我昔曾遊三島客而今共
結半生緣煙霞幽癖老逾健蕉鹿迷途夢不牽坐聽
玉簫樓閣上行尋瑤草水雲邊掛瓢自覺箕陽淺築

室猶嫵廬阜偏擬獻真圖
誇赤帝高題彩筆媿青蓮

詩 五言絕句

唐慕容韋度揭鴻嶺

閩越曾為塞將軍舊置營
我歌何慷慨西北望神京

雍陶清源道中

古木閩州道驅羸落照間
投村礙野外問店隔荒山

翁承贊壺山

井邑斜連北蓬瀛直倚東
秋高巖溜白日上海波紅

宋蔣之奇漁梁山

道上風兼雨林間雪壓霜
無衣無褐者何以過漁梁

蒼玉洞

蒼玉門徑潤白雲庭院深
鄞江一丈水清可照人心

林誠中香山洞

瑞氣擁巖巒中有神仙宅
世代幾銷沈溪山自今昔

龔況石門寺

岫幌古松低羽人來未歸
苔深鎖春色不放曉雲飛

玉華洞

石壁古苔衣夾門雙杏枝
山陰人少到長認鶴聲知

玉人峰

霞綴衣紅淺煙粧髻黛勻
無言山色裏幾度野梅春

陳遂昇仙壇

仙樂寂無響雲旗悄不翻
曉雲生石罅夜雨長苔痕

陳伯孫囊山

六合萬籟息秋林月正暉
琴中彈不盡石上坐忘歸

林希逸石室

言入紫巖隙藤枯半壁花
山靈不敢住分付與僧家

傅伯成金溪橋

長江渺天末照此兩山青
落日寒潮上蒼煙孤艇橫

朱熹石佛巖

因依古佛居結屋寒林杪
當戶碧峯稠煙雲自昏曉

題蓮花不老峯二首

羣峯相接連，斷處秋雲起。
山更深咫尺，愁千里。流雲連。

空山絕壁上，蒼翠應有採芝人，相期煙雨外。

武夷七詠

天柱峯屹然天一柱，雄鎮幹維東。祇說乾坤大，誰知立極功。洞天絕壁上，千

尋隱約巖棲處。笙鶴去不還，人問自今古。畫鶴誰寫青田質，高超雁鷺羣。長疑風月夜，清唳九霄聞。

仰高堂

面勢來空翠，哦時獨好仁。懷人今已矣，誰遣棟梁新。

趨真亭

危亭久已傾，祇有顏基在。

何事往來人，不知容鬢改。大小藏巖藏室，岌相望。

望塵編何莽，函欲問伯陽。翁風烟迷處所，丹竈

仙人推卦節，煉火守金丹。

一上煙霄路，千年亦不還。

武夷精舍雜咏十二首

精舍琴書四十年，幾作山中客。一日芳棟成，居然我泉

石仁智堂 我慙仁智心 偶自愛山水 蒼巖無古今
碧澗日千里 隱求齋 晨窓林影開 夜枕山泉

響隱去復何求 無言道心長 止宿寮 故人肯相
尋共寄一茅宇 山水為留行 無勞具雞黍 石門塢

心 朝開雲氣擁 暮掩薜蘿深 自笑晨門者 那知孔氏
觀善齋 負笈何方來 今朝此同席 日用無餘

功相看俱努力 寒棲館 竹間彼何人 抱甕靡遺
力 遙夜更不眠 焚香坐看壁 晚對亭 倚筇南山

巔 卻立有晚對 蒼峭矗寒空 落日明影翠 鐵笛亭
何人轟鐵笛 噴薄兩巖開 千古留餘響 猶疑笙鶴

來 釣磯 削成蒼石稜 倒影寒潭碧 永日靜垂竿
茲心竟誰識 茶竈 仙翁遺石竈 宛在水中央 欲

罷方舟去 茶煙裊細香 漁艇 出載長煙
重歸裝片月 輕千巖猿鶴 友愁絕 棹歌聲

百丈山六詠

石磴 層巖俯深幽 微徑忽中斷 努力
一躋攀 前行有奇觀 石臺 出谷轉

石稜俯身窺木末夕眺嵐翠分朝躋雲海潤瀑布
巔巖出飛泉百尺散風雨空質麗晴暉龍鸞共掀

舞小澗兩巖交翠陰一水自清瀉俯仰契幽情

神襟頓瀟灑山門置屋兩三間巧當奇絕處峽

東百泉傾澗激回風度西閣借此芒窓
眠靜夜心獨苦安得枕下泉去作人間雨

黃幹遊翠微院

古寺殘僧少孤村碧樹圍
明朝山下路愁絕望煙歸

江公望多暇亭

作吏如兼隱為儒也解禪
了然無箇事安坐自調絃

王十朋枕峯寺

門外峯如枕宜眠清淨身
禪僧自面壁誰是枕峯人

劉說道玉女峯

嘉名由世想奇態實天造
亭亭照綠漪獨立為誰好

黃希旦越玉臺

荒臺枕古邱伊昔越王遊
輦路今何在淒涼草樹秋

郭祥正蒼玉洞

片片冰巖裂淙淙雪浪深
舉頭看白鷺相伴洗塵心

圓山

縹緲臨諸峯幔卷濃雲開
秀特不可掩擎天碧崔嵬

上官祐遊寶林寺

野寺無人到春風掃落花
重尋舊遊處泉石繞煙霞

元陳陽極白雲庵

緣岡躡丹巖東風拂瑤草
飛鳥時往還山間白雲老

林泉生玉虛洞

空谷結層雲寒泉落空沼
中有太古靈悠然隔深窅

夏秦青陽山送郡守

離筵對芳草去路繞青山
日暮雙旌遠邦人拭淚看

明胡瓊聞猿洞

西風正悽惻古洞夜猿哀
道人不悲秋好懷常自開

張岳靈瑞山二首

突兀石痕古蒼茫字畫分千秋誰
辨此我輩發奇聞
冉冉雲穿岫

迢迢谷遞聲平原天
際盡孤嶼海邊明

方熙東巖三首

石逕蒼苔古長廊白晝間曇花和雨
墜獨鳥向人還竺國三千界祇園

第一山寧知方外趣祇在市朝間雲影落
亭外松陰入座間教童休掃去留伴一僧閒

石松寺石刻

偃蓋覆巖石歲寒傲霜雪
深根蟠茯苓千古飽風月

吳兆登釣龍臺

秋色延高臺臺荒廟亦冷
兩三樵牧兒投石試深井

詩六言

宋陳嘉言遊霍童四首

洞尋黃鶴白鶴峯過大童小童
杖裏泉聲滴瀝衣邊樹色空濛

藤上老猿欲墜松間野鶴相隨苔蘚綠埋丹竈桃
花紅出金垂瀑聲深澗淺澗峯勢煙籠霧籠恍惚

身遊海上須臾覺在山中
翠篠輕挑綠酒紫
芝明對黃冠半醉風迴鐵笛中宵露冷瑤壇

詩七言絕句

唐宣宗真寂寺

惟愛禪林秋月空誰能歸去宿龍宮
夜深聞法食甘露喜在蓮花世界中

劉禹錫夜宴福建盧侍郎宅因送之鎮

暫駐旌旗洛水堤綺筵紅

燭醉蘭閨美人美酒長
相逐莫怕猿聲發建溪

歐陽詹題梨嶺

南北風煙即異方連峯危棧倚蒼蒼
哀猿咽水偏高處誰不沾衣望故鄉

題延平劍津

想象精靈欲見難通津一去水漫漫
空餘昔日凌霜色長與澄潭生晝寒

晚泊漳州營頭亭

迴峯疊嶂遶庭隅散點煙霞勝晝
圖日暮華軒卷長箔太清雲上對

蓮壺

周匡初天城山

窗外捲簾侵碧落眼前敲竹響青冥
黃昏不欲留人住雲起風生龍虎腥

元結贈靈石俱胝僧

萬卷千編總不真虛將文字役
精神俱胝只念三行呪自得名

超一世人

李商隱武夷毛竹洞

只得流霞泛一杯空中簫鼓當
時回武夷洞裏生毛竹老盡曾

孫更不來

陳陶泉州刺桐花六首

髻鬢三株植世間風光滿地
赤城間無因秉燭看奇樹長

伴劉公醉玉山海曲春深滿郡霞越人多種刺桐
花可憐虎竹西樓色錦帳三千阿母家石氏金園

無此艷南都舊賦乏靈材只因赤帝宮中樹丹鳳新
街出世來猗猗小艷夾通衢晴日薰風笑越姝只
是紅芳移不得刺桐屏障滿中都不勝攀折悵年
華紅樹南看見海涯故國春風歸去盡何人堪寄一
枝花赤帝常聞海上遊三千幢蓋擁炎
州今來樹似離宮色紅翠斜歌十二樓

胡曾龍津

延平津路水溶溶峭壁危岑一萬重
昨夜七星潭底見分明神劍化為龍

方干題畫建溪圖

六幅輕綃畫建溪刺桐花下路高
低分明記得曾行處祇欠猿聲與

啼鳥

林藻梨嶺

曾向嶺頭題姓字不穿楊葉不言歸
弟兄各折一枝桂還向嶺頭聯影飛

施肩吾澎湖嶼

腥臊海邊多鬼市島夷居處無鄉里
黑皮年少學採珠手把生犀照鹹水

杜荀鶴送客之閩

雨勻紫竹叢叢色風弄紅蕉葉葉聲北畔是山南畔海祇堪圖畫不

行堪

黃滔靈峰望海亭

繫馬松間不忍歸數巡香茗一枰棋擬登絕頂留人宿猶待滄溟月

時滿

徐夔贈南安方處士五首

七貴五侯生肯退利塵名網死當拋黔婁寂寞冥嚴陵

卧借問何人與結交

休把羸蹄蹋霜雪書成何處獻君王嵩山好與浮邱約三十六峯雲外鄉百萬

僧中不為僧比君知道僅誰能無家寄泊南安縣六月門前也似冰兩鬢當春却似秋僻居誇近野僧

樓落花明月皆臨水明月不流花自流晉楚忙忙起戰塵龔黃門外有高人一畦雲蘆三株竹席上先

生未
是貧

韓偓福州荔枝三首

荔枝方不許貢珍奇密詔唯教進

朔號偷兒封開玉籠雞冠溼葉襯金盤鶴頂鮮想得佳人微啟齒翠釵先取一雙懸巧裁霞片裏神

漿崖蜜天然有異香應是仙人金掌露結成冰入蒨羅囊

沙縣抵龍溪縣

水自潺湲日自斜書無難犬有鳴鴉千村萬落如寒食不見人煙只見花

李德裕留題漳浦驛樓

蒿少心期杳莫攀好山聊復一開顏明朝便是南荒路更

上層樓
望故關

楊發和漳浦驛樓

南盡封郵見好山蒼蒼松桂類商顏誰憐後夜相思處白草黃茅舊

漢關

翁承贊登水閣

軋軋朱輪下九霄，登庸門外駐星輶。
他時苦問今時事，只看南邊是舊橋。

周朴薛老峰

薛老峯頭三箇字，須知此與石齊生。
直教截斷蒼苔色，浮世人儕眼始明。

宋程師孟滴漏新成二首

臺門新漏一聲聞，從此朝昏
百刻分。倘日郡人思太守，也

須談及葉叅軍。風雨雖昏漏不移，百年應未
失毫釐。須知萬戶千門裏，正得人間凶吉時。

閔山

永日清陰喜獨來，野僧題石作吟臺。
無詩可比顏光祿，每憶登臨却自回。

熙寧中命州中多種榕樹自為詩

三樓相望枕城隅，
臨去重栽木萬株。

試問國人來往處，
不知還憶使君無。

蔡襄登清風樓

郭外青溪溪外山溪雲飛上破山顏
晴明天氣琉璃色何處峯頭暮雨還

榴花洞

洞裏花開無定期落紅曾見逐泉飛
仙人應向青山口管領春風不與歸

何嶺

何嶺巍我欲接天回頭人與白雲連
桃花不點尋常路從此依稀度九仙

鄭鑑香爐山

峙立交輝紫翠間疎簾半捲鎮長閑
神仙似有祈年術一縷青煙起博山

雪峯無字碑

一片如屏紫翠間風吹日炙鮮花斑
莫言箇裏無文字要在高人著眼看

元絳流觴亭

春風流水出巖扉載酒輕舟颺綵旗
把得玉杯還自笑老翁真箇似童兒

隱几庵

分得藩符近海濱溪山深處養天真
幅巾隱几春山靜直是羲皇以上人

葉夢得懷隱庵

春風的的為誰來遶舍寒花亦漫栽
菴內不知菴外事夜來微雨小桃開

酴醾

東風吹麝入鉛華未肯隨春到謝家
夜半粉香和露泣定知和月怨梨花

劉克莊道山亭

絕頂煙開霽色新萬家臺觀密如鱗
城中楚楚銀袍子能讀曾碑有幾人

陳軒冶城

城裏三山古越都樓臺相望跨蓬壺
有時細雨微煙罩便是天然水墨圖

呂祖謙前題

路逢十客九青衿半是同袍舊弟兄
最憶市橋燈火靜巷南巷北讀書聲

方孝能三山元夕觀燈三首

街頭如畫火山紅酒面
生鱗錦幃風佳客醉醒

春色裏新粧歌舞月明中
薄暮春衫新縷金樽前
風細怯輕陰酒香隱約生紅暈正與桃花共淺深

燈外風搖沽酒帘月中人數買花錢
少年心事如飛絮爭逐遺香拾墜鈿

吳千真隱院

無心日日看雲飛空梵猶如鳥跡遺
欲問堂中常住相黃花翠竹幾人知

董淵碁山

風際有雲多世態海中無底是人心
可堪更問碁山語一局閒爭古到今

張伯昌靈鷲山

靈鷲風寒碧玉堆紅塵隔斷小軒開
忘言更覺諸緣盡中有桃花點翠苔

陳鵠秀峰院

平田千頃綠秧稠水遶山河出澗流
門掩落花春自晚畫簷時聽鳥聲幽

白玉蟾聖水寺二首

騎鶴乘遊衆寶山山中石室水
光寒巖前峭壁松花落午夜月

明初煉丹山僧問我家何在笑指浮雲帶
日斜劍佩朗吟明月下落花流水是生涯

仙機巖

織就霞裳御冷風玉梭隨手化成龍
天孫歸去星河畔滿洞白雲機杼空

昇真洞

得得來尋仙子家昇真洞口正蜂衙
一溪春水漾寒碧流出紅桃幾片花

武夷權歌十首

三十六峯真絕竒一溪九曲碧連漪
白雲遮眼不知處誰道神仙在武夷

慢亭峯下泛仙船洞口瓊花鎖翠煙
絳闕至今哀怨嶺頭猿山下于今幾代孫
當時蕭

鼓寂無聞丹壚早又生春草玉女峯前空白雲
舟停棹架巖頭黃鶴中天幾度秋滿樹桃花人不見
仙

一溪春水為誰流萬頃秋光漾碧空滿潭秋木瑩
青銅金雞叫落山頭月漠漠寒煙颯颯風問道誰

知鍊笛聲石崖崩裂老龍驚當年人已乘雲去千古
荒亭秋草生仙掌峯前仙子家客來活水煮新茶

主人遙指青煙裏瀑布懸崖剪雪花寂寂秋煙鎖
碧灣往年此地有禪關水神移入龍宮去一夜風雷

吼萬山幾點沙鷗泛碧流蘆花兩岸暮雲愁鼓樓
巖下一聲笛驚落梧桐飛起秋山市晴嵐天打圍

一村雞犬正斜暉稻田高下
如碁局幾點鴉飛與鷺飛

無名氏劍溪

水過雲津勢漸平雙流匯作劍溪清
漁舟來往無人見隔竹時聞欸乃聲

陳暘雞巖

巖頂風雲常不散洞門日日吐煙霞
濟時偏解為霖雨信是神仙第一家

李堪翠屏山

翠屏山下雨霏霏雲掩岡巒草樹微
一段丹青誰解寫畫家惟有朱元暉

西山

西山岌岌倚層霄爽氣恒多瘴氣消
誰道閩中無雨雪年年絕頂見瑤瑤

鳴玉灘

鳴玉山頭片月生波光掩映釣舟橫
何人隔岸吹長笛一曲涼州恰二更

蔣文嘉藍溪

萬仞嶙峋翠色迷乳鴉啼散夕陽西
短蓑黃犢溪頭路欵乃聲中綠樹低

王國平雍熙寺

羣峯擁翠古禪關夾道松篁五月寒
欲識天冠真隱趣白雲深鎖紫金壇

鄭樵東山採藥

一掬金丹向曉風山前草木盡龍宮
詩書便是神仙味更笑行沖問藥籠

靈龜潭

泉心漱玉開心孔山色按藍熨眼花
著手摩挲溪上石他年來訪汝為家

北山巖

西風洩洩白雲間一片寒泉掛此山
倚杖巖頭秋獨望疎疎煙隴是人間

林象九座院即事二首

沙路無泥屐齒輕薄雲籠日
雨初晴林間鳥弄歌千轉溪

上花開繡一棚
下晴波宛然西塞

短短桃花點綠荷輕輕白鳥
江邊路只欠能詩張志和

三會溪閑行二首

風搖龍麥東西浪春入郊原遠近
花間趁溪流到村曲斷橋喬大兩

三家
沙竹籬茅舍

溪上橫江一道斜成行
林中見髻髻孤山處士家

需禪師寄陳易安

拂石跏趺樹影寬定回霜月照人
寒此時况味誰知得寫與秋藤居

士
看

陳易安答需禪師

年來多病愛棲禪寶鑑慵將照醜
妍却憶南湖孤頂月定回金磬落

前巖

傅伯成泉城即景

昔日雲鬟鎖翠屏，只今煙塚伴荒城。
香魂斷絕無人問，空有幽花獨

擅名

陳機青牛庵

抖擻塵埃上翠微，石泉佳處掩柴扉。
道人識人間事，吟鳥山中落暉

陳軒蒼玉洞

截斷蒼天百尺崖，崢嶸相倚洞門開。
天生祇福紅塵隔，不礙浮雲自往來

郭祥正題南樓

樓外青山似故人，雨餘山色淨無塵。
青山依舊人還老，一片離愁掛晚春

陳襄和程師孟宿猿洞

聞說山元是舊山，衣冠家此百年間。
自嗟亦有同來祖，兩

處松楸
得往還

楊時題吳儀詠歸堂

山衙幽徑碧如環一壑風煙自
往還不似武陵流出水殘紅那

得到
人間

即事四首

獸駭禽驚翳蔚中難將此意問鴻濛
小徑蒼苔滑杖屨從今恐不通
山前咫尺

尺市朝賒垣屋蕭條似隱家
過客不須攜鼓吹野塘
終日有鳴蛙
夾屋青松長數圍
午風搖影舞
傲傲
幽禽葉底鳴相應
時引殘聲過別枝
竹間幽徑草
成圍藜杖穿雲翠滿衣
石上坐忘驚覺晚
山前明月
伴人
歸

李綱題寧化縣顯應廟

不愁芒屨長南謫
滿願靈旗
助北征
酹徹一杯
昏淚
眼煙

雲何處
是三京

詠朝陽峰

先得朝陽一段紅何年鳴鳳在梧桐
行舟若到灣環處知是沙陽第一峯

大王峰

孤峯拔地與天通為問仙人羽化蹤
驚鶴不知何去也玉樓金鎖白雲封

虎嘯巖

昔年老虎嘯幽巖千里清風皺碧潭
巖上於今無虎跡一林花雨落氈氈

三姑石

風舞芳林鬢脚垂朝雲行雨濕仙衣
不知當日緣何事化石峯頭更不歸

入武夷山二首

清夢先曾到武夷玉峯積雪信幽奇
小舟遊罷尋歸路恰似儼然夢覺時

溪上清風溪外塵洞花草自生春
玉簫吹徹鳳飛去人在山中看白雲

黃裳甌冶池

人隨夢電幾回見劍逐雲雷何處尋
惟有越山池尚在夜來明月古猶今

陸游寄題朱元晦武夷精舍五首

先生結屋綠巖邊
讀易懸知屢絕編

不用采芝驚世俗，恐人謗道是神仙。
蟬蛻巖間果，是無世人妄想。可憐渠有方為子，換凡骨來讀晦菴。
新著書，身閒剩覺溪山好。心靜尤知日月長，天下
蒼生未蘇息。憂公遂與世相忘，齊民本自樂衡門。
水旱那知不自存，聖主憂勤常旰食。頌公一一報曾
孫，山如嵩少三十六。水似印郊九折途，我老正須
間處著白雲。
一半肯分無。

雨宿黃亭

未到名山夢已新，千峯拔地玉嶙峋。
黃亭一夜風吹雨，似與遊人洗俗塵。

汪藻題仙洞

仙人駕鶴上三清，壇石空留萬古名。
昨夜碧天星斗爛，不聞朝禮步虛聲。

朱熹火鳳山

門前寒水青銅雀，林外晴峯紫帽孤。
記得南垞通柳浪，依稀全是輞川圖。

宿劇頭嶺

王事賢勞祇自強，一官今是五年期。
如何獨宿荒山夜，更擁寒衾聽子規。

天慶觀

石樓雲卧對江城
城角吟霜永夜清
料得南枝正愁絕
不堪聞此斷腸聲

寓西林寺示僧惟可二首

身世年來欲兩忘
一春隨
意住僧房
行逢舊隱低徊

久綠樹鶯啼清晝長
幽居四畔只空林
啼鳥落花春意深
獨宿鹿麕無夢寐
五更山月照寒衾

用西林舊韻二首

一自藍輿去不迴
故山空鎖舊池
臺傷心觸目經行處
幾度親陪杖屨來

上疏歸來空阜囊未妨
隨意宿僧房
舊題歲月不堪數
慙愧平生一瓣香

因闕

昨夜扁舟雨一蓑
滿江風雨夜如何
今朝試揭孤蓬看
依舊青山綠樹多

芹溪九曲九首

一曲溪舟入澗
片市聲只隔一江雲
沙頭喚渡人歸晚
回首蘆峯月一輪

二曲溪邊萬木林
水環竹石四時清
漁歌擢入斜陽裏
隔岸時聞一兩聲
三曲舟行龍尾灘
推篷把

酒見南山回頭檢點仙踪跡萬頃白雲時自閒四
曲煙雲鎖小樓寺臨喬木古溪頭僧歸林下柴門靜
麋鹿銜花自在遊五曲峯巒別翠屏白雲深處隱
仙亭子期一去無消息惟有喬松萬古青六曲溪
環處士家古樓巖下樹槎枒龍去潭空名不朽時見
平汀湧白沙七曲靈祠瞰水濱聚魚石上躍金鱗
林回路入桃源近時有漁郎來問津八曲硯峯倚
碧虛泉流瀑布世間無憑誰染就丹青筆寫出芹溪
九曲圖九曲悠悠心最幽刻巖石峽束
寒流源深自是舟難到更有龍池在上頭

武夷九曲權歌十首

武夷山上有仙靈山下環流曲
曲清欲識箇中奇絕處權歌閒

聽兩三聲一曲溪邊上釣船幔亭峯影蘸晴川虹
橋一斷無消息萬壑千巖鎖翠煙二曲亭亭玉女
峯插花臨水若為容道人不作陽臺夢興入前山翠
幾重三曲君看架壑船不知停棹幾何年桑田海

水今如許。泡沫風燈。敢自憐。
四曲東西兩石巖。巖花垂露。望穆穆金雞。叫罷無人見。月滿空山水。滿潭

五曲山高。雲氣深長。年風雨暗。平林林間有客無。
人識。欸乃聲中萬古心。六曲蒼屏隱碧灣。茅茨終

日掩柴闕。却憐昨夜峯頭雨。添得飛泉幾道寒。
曲移舟上碧灘。隱屏仙掌更回看。客來倚棹巖花落。

黃鳥不驚春意寒。八曲風煙勢欲開。鼓鐘巖下水。
潏洄莫言此地無佳景。自是遊人不上來。九曲將

窮眼豁然桑麻雨露見。平川漁人更覓桃源路。除是人間別有天。

蔡雋題蒼玉洞

向來曾醉呼猿洞。亂石穿雲擁坐隅。
誰料七閩煙瘴底。半巖風雨似西湖。

黃幹壽山廣德院

石為文多招斧。鑿寺因野燒。轉熒煌世間榮辱何須論。日暮天寒山

長路

許安仁題善山院

瓦爐柏子裊殘煙午夢醒時一暢然不悟功名負終老荒山饑走又

三年

周必大送陸務觀赴七閩提舉常平茶事三首

暮年桑芋

毀茶經應為征行不到閩今有雲孫持使節好因貢焙祀茶人鸞棲枳棘已多年父老猶傳主簿賢扶杖喜迎新使者赤帷何惜與高褰疲鴛久倦直明光風味嘗思十八娘擬請一麾依故舊得無公道學蘇章

陳淵和善山院

挂頤長劍上凌煙自古功名亦偶然鐘鼎山林俱不惡一瓢吾欲盡吾年

鄒應龍遊寶林寺

乳燕啼鳩三月暮淡雲疎雨午時天金瞿花落無人管斷送韶光又

年一

辛棄疾慢亭峯

山上風吹笙鶴聲山前人望翠雲屏蓬萊枉覓瑤池路不道人間有慢亭

陳夢庚慢亭峯

山中別是一桃源綵屋虹橋影不存山下人癡猶自說排簷元是希夷孫

蔡沈題詩巖

四曲遊人款乃歌舊磯千古老漁蓑題詩巖下人來往春雨年年長綠莎

李彌遜寶林院中

喚起公田趁曉耕香雲已帶簷聲如何乞取摩空手為挽天河洗

甲兵

陳知柔廓然亭送梁克家

廓然亭上少遲留萬壑風煙眼底收飲罷征車已催

發都人待看上瀛洲

梁克家次韻

已行更為玉泉留好景煩公傑句收
紫帽峯前雙鷺下幾多清興滿滄洲

陳宓賦梅堂二首

濃霜輕雪妒清華暖日烘時祇見
花天意似憐塵世界故將茅舍換

仙家

老覺無情戀物華玉塵那復惜飛
花春風祇在襟懷裏試問藍溪吏隱家

題龍津橋

兼旬積雨截晴虹洗出溪山罨畫中
別浦漁歌來暝色長橋人語半秋空

曹穎叔長樂臺

藍按水谷與秋暉疑作危稜磴翠微
向晚山僧苦留我層層寒牖亂雲歸

謝枋得武夷山中

十年無夢得還家獨立青峯野水
涯天地寂寥山雨歇幾生修得到

花梅

元江迢五雲樓

洞中煙鎖五雲樓洞口寒泉今古流
見說秋高風雨夜徐郎騎鶴更來遊

朱泚福山寺

野鶴秋雲共一鄉
剝巖伐竹結禪房
曇花落盡無人見
老桂深山自在香

薩都拉換骨巖

千丈丹梯萬丈巖
天開地闢鬼神剗
夜光玉氣橫溪過
多是神仙換骨巖

過浦城

人家雞犬隔癡嵐
城郭微茫見塔尖
一片輕雲籠馬首
熟梅時節雨纖纖

特穆爾鼓山大頂峯

肩輿直上白雲梯
古剎林深路欲迷
絕頂一聲長嘯罷
海天空

濶萬山低

陳純陽妙香庵

一棟翬飛鎖白雲
幾看瑤月到黃昏
龕燈未滅僧初定
風挾潮聲到寺門

靈泉寺

夜吸清江籟不譁
大瓢貯月沁胡麻
人間春色僧無分
一任東風過落花

陳陽極前題

白雲深處寂無譁
香積惟餘一飯茶
出定不知春幾過
淨瓶花落點袈裟

貢師泰海歌五首

黑面小郎棹三板載取官人來大
船日正中時先轉舵一時舉手拜

神天 出得蛟門才是海虎蹲山下待平潮敲帆轉
艙齊著力不見前船正過礁 隻嶼山前放大洋霧

氣昏昏海上黃聽得舵樓人笑道半天紅日挂帆檣
四山合處水門開雪浪掀天不盡來船過此間都

賀喜明朝便可到南臺 碇手在船功最多一人
唱聲百人和何事淺深偏得記慣曾海上看風波

明劉基過閩關二首

建溪激箭向南流石齒如鋒鬬客
舟篙子踏歌渾不畏行人遙望替

生愁 漠漠輕雲結晚陰依依斜日掛遙
岑炊煙忽起桑榆上散作鮫綃抹半林

林君巖岫嵐光

萬疊峻嶒山外山晴嵐冉冉有無間
誰知也有從龍意長與白雲相往還

潮江晚歸

潮滿江邊勢渺茫沙鷗無事伴輕航
客從何處歸來晚數點寒鴉送夕陽

夏寶葛仙巖

閩中遷客老維摩
福地何嫌日日過
門外有僧迎杖屨
五銖衣染白雲多

丁鏞月峯院

青山碧樹一重重
偶爾看雲到月峯
却愧塵緣消未盡
不能長聽上方鐘

李遠美女峰

雲作簾櫳石作身
蛾眉不掃幾經春
等閒試問巫山事
默默無言對水濱

徐渭武夷山一線天三首

雙峽凌虛一線通
高巔樹果拂雲紅
青天萬里知何

限也伴藤蘿鎖峽中

花落花開隔水津
棧梯茅屋

總堪鄰扁舟若不尋歸路便是武陵深處人
乞得

瓊漿一碗新沿溪行盡渴生塵雲

英只在桃花下不肯呼來見外人

林世璧訪溪源四首

溪源一派玉為流
錦樹紅霞爛
素秋兩岸垂蘿雲
嶂合數聲啼

鳥石林幽幽源何處可棲真
流水桃花此避秦
日

暮清溪看曉網隔船時向打漁人
沙岸紆迴碧浦

通仙踪縹緲自難窮
便應一葦臨滄海
直訪蓬萊玉蕊宮
溪上橫橋十四門
煙霞香靄入溪源
定知此

夕遊仙夢一枕
清風白鶴騫

樂邑還渡馬江二首

橫江渡頭雲水東
波回白馬撼秋風
連山噴雪何如此
好似錢

塘八月中 一水橫流滄海東
千峯倒映玉芙蓉
猿聲兩岸秋風起
無數江花帶雨濃

羅倫遊武夷

紫雲初曙彩雲飛
碧水丹山面面奇
一棹煙霞看不盡
扁舟何用五湖歸

戚繼光瑞巖山

萬里馳驅海色寒
孤臣此日望乘鑾
繁江盡是心頭血
灑向千峯秋色丹

題萬年宮壁

一劍橫空星斗寒
甫隨平虜復征蠻
他年覓取封侯印
願與君王換此山

周景辰天馬山

風鬟霧鬢與雲齊
何日來從月窟西
一自茂陵人去後
至今風雨夜聞嘶

孫一元遊武夷二首

武夷山高秋氣涼雲陰半落松
桂蒼青壁無人沿月上踏船放

歌溪水長野鶴照水來清瀆山樹開花留
白雲他日移居溪水上道衣同拜武夷君

蘇伯厚遊武夷

笑入松門鶴颺迎山靈好客更多情
西風一路松花雨纔上仙舟便放晴

岳正鳳凰山登高四首

又是登高第二回功名心事
已全灰此時償却山靈債明

日放歌歸去來南山幽阻剩宜秋飛蓋時臨最上
頭故國五雲回首是不須重起望京樓南來作牧

近三秋碌碌何曾展一籌不是滿簍禾稻熟敢因佳
節出郊遊席間羣彥總金閨對酒何勞却日西抹

月批風三百首醉
來一任竹間題

鄭善夫武夷九曲次晦翁棹歌二首

慢亭彩幄會仙
靈紫霧濛濛薄

太清奏罷人間可哀曲鳳笙龍管杳無聲
藏裏黃
棺壑上船春風秋雨自年年覺來天地終歸盡煉得

丹成亦可憐

徐中行和宗子伯石牛驛聞笛見懷之作
醉時明月滿山城別

後秋雲萬里生獨夜高樓
自吹笛誰知淚濕楚臣纓

秋日建溪懷明卿二首
九江秋色滿漁舫江上芙蓉照客袍不分楚人能放逐青

山白日著離騷倚棹秋風問幔亭滄江落日
萬山青獨看廬嶽雲千疊豈是狂生醉未醒

周冕蒼玉洞
劈破貞珉闔兩巖此中真境隔仙凡
煙霞鎖斷紅塵路一徑穠陰入翠杉

國朝夏之芳臺灣紀巡詩
海天豁度報皇華早卜昇平遍
水涯我得行旌才出郭暖烟晴

竹已家家節旄高挿引晴嵐人擁花驄弛轡銜拜
罷耆童迴道左紛來朱履又青衫野田清曉碧天
空地指扶桑東復東赤嵌城邊雲散彩拓開海日一
輪紅負暄童叟愛冬溫紅稻成堆擁草門桐竹週
遭雞犬靜教人歷歷認花村牢拴竹篾怕身肥帶
孔頻頻減舊圍愛把細腰偕鳳卜楚王宮裏夢雙飛
限牛車無日不當官沒字郵符顛倒看踏水衝泥何
限苦忍教橫撻更無端鋤田捕鹿洽婚姻樂事相
尋滿社春嚼得甕頭姑待酒木瓢椰碗競奇麟手
製雲簫別有腔吹來鼻息愛成雙月明引得風前鳳
未許當門夜吠厖不須挑逗費閒心竹片鉛絲巧
作琴遠韻低微傳齒頰依稀私語夜來深男拔髭
鬚女繡順乍逢鑑貌儘多疑雕題鑿齒徒矜尚未解
雙蛾夜畫眉杵臼輕敲似遠砧小鬟三五夜深深
可憐時辨晨炊米雲磬霜鐘咽竹林秋盡官催認
餉忙一絲一粟盡輸將最憐番俗須重譯谿壑終疑

飽社商 虛灘水落漲沙泥南北中分虎尾溪一帶
草荒村舍少年來新集有蒸藜南山中斷北山連
逗漏雲間半線天道是孤城還少郭竹環廬市起炊
煙 獻芹再拜語呢喃款步芳堦舞繡衫具道殷勤
猫女意粉姿親製手摻摻花冠銀釧錦為衣妙舞
清歌笑合圍低唱一聲金一扣獨留太上古音希
諸峯攢集黛螺青玉嶺如銀色獨瑩展拓晴雲千萬
里插天一幅水晶屏 莽葛輕便破碧沙弄潮如戲
語誼譁依稀佛子乘杯渡彷彿仙翁泛海槎 倦來
高枕樹為巢藤蔓連牽枝格交栩栩夢回非是蝶一
身幻化類蠅蛸 臨溪問渡少解艘石澗分流遠擊
撞腰上蒹蘆頭上羽隻身飛過水淙淙 抄陰尺布
不堪縫無褐無衣可耐風北地乍寒偷射獵人人盡
是鹿皮翁 北轍初回又指南迢迢原隰未停驂看
山幾遍還遵海閱盡邊方煙與嵐 成帷成幙逐飛
塵紈袴多纏輿隸身慣習淫奢無善俗少年思怕老

來貧 二林迤邐接三林
淡水潑洄 鹹水深極目
滄波浮海市 一拳真欲笑
蹄涔 晚霞散彩覆陰厓
海曲人家 逐岸排煙水
幾灣 帆幾幅 頓教風景
憶江淮 木岡東峙曉雲
凝咫尺 陂陀未即登 指
點萬山分 脈處一峯獨
秀鎮平陵 觀音山徑幾
灣環羅漢門 邊虎豹關
笑指當年空守戍 但知深
谷有烏蠻 陂卧晴沙號
七鯤 如環如抱 復如蹲
驚濤夜拍殷 雷起遠勢
平吞鹿耳門 龜蛇對峙
鎖孤城 形勢空傳統
領營不築 埤頭築海口
為憐安土重 紛更打鼓
山頭石罅開 懸崖例拍
海潮迴 雷聲鼎沸 浮空
翠萬里 風檣認影來 橋
首南荒欲盡頭 影浮拳
石小琉球 天迴地轉渺
無際 萬水朝宗亘古流
仙山縹緲閣 斜曛石上
碁枰舊印紋 沙馬磯頭
人罕到 爛柯樵子話煙
雲 赤山葱翠漾春煙 沙
暖雲晴別有天 日午崖
邊人語沸 村童隊隊浴
湯泉 生成野性氣如梟
出沒無端血染刀 剎得
頭顱當戶掛 歸來轟飲
共稱

豪內山遙夾外山高複嶺重岡疊翠濤一帶阿猴
林下路須防藪澤有逋逃八社丁徭力漸紆番娘
餉稅早捐除只今宵晝辛勤處謹護官家十萬儲
生熟番情百種餘半生不熟亦山居當年戶口可知
數盡向魚鱗冊上書問俗殊方竟未厭忽教放緯
轉丹檐天南水起山窮處瑯嶠雲從馬首瞻星軺
迴處轉旌霓人海無聲馬不嘶敢
道霜威堪鎮俗長思濤靜木城西

詩餘

附

宋李綱去沙陽過分水嶺

征騎遠千里別沙陽泛碧齋
傍凝翠閣棲雲寺裏印心堂

回首意茫茫分水嶺煙雨正淒涼南望甌閩
連海嶠北歸吳越過江鄉極目暮雲長鯉江

送林商叟海道還閩中

際天雲海無涯經從一葉舟
中渡天容海色浪平風穩何

嘗有颶鱗甲千山笙鏞羣籟了無遮護笑讀君佳閱
追尋往事須信道忘來去聞說釣鯨公子為才名
鷄書交舉高懷澹泊栢臺蘭省留連莫住萬里關山
不從海道寄聲何處恨七年契濶無因握手與開懷

語
龍吟

張元幹延平雙谿閣落成

飛觀插雕梁憑虛起縹緲
五雲鄉對山滴翠嵐兩眉

濃黛水分雙派滿眼波光曲闌外汀煙輕冉冉莎草
細茫茫無數釣舟最宜煙雨有如圖畫渾似瀟湘

使君行樂處秦箏弄哀怨雲鬢分行心醉一缸春色
滿座凝香有天涯倦客尊前回首聽徹伊州惱損柔

腸不似碧潭雙劍
猶解相將
子風流

曾覲和南劍薛倅

長樂富山水杖屨足追遊故人干
里西望雙劍黯迴眸多謝扁舟乘

興慰我天涯羈思何必羨封侯暮雨疎簾捲爽氣颯
如秋送征鴻浮大白倚危樓參橫月落耿耿河漢

近人流堪歎人生離合後日征鞍西去別
語却從頭老矣江邊路清興漫悠悠

水調歌頭

辛棄疾三山雨中懷趙丞相

翠浪吞平野挽天河
誰來照影卧龍山下

煙雨偏宜晴更好約畧西施未嫁待細把江山圖畫
千頃光中堆豔瀕似扁舟欲下瞿塘馬中有句浩難
寫詩人例入西湖社記風流重來手種綠成陰也
陌上遊人誇故國十里水晶臺榭更複道橫空清夜
粉黛中洲歌妙曲問當年魚鳥
無存者堂上燕又長夏

賀新

覓句如東野想錢塘風流處士水仙祠下更憶小孤
煙浪裏望斷彭郎欲嫁是一色空濛難畫誰解胸中
吞雲夢試呼來草賦看司馬須更把上林寫雞豚
舊日漁樵社問先生帶湖春漲幾時歸也為愛瑤璣

三萬頃正卧水亭煙榭對玉塔激瀾深夜雁驚如
雲休報事被詩逢敵手皆勅者春草夢也宜夏

鴈如

碧海成桑野笑人間江翻平陸水雲高下自是三山
顏色好更看雨婚姻嫁料未必龍眠能畫擬向詩人
求幼婦倩諸君妙手皆談馬須進酒為陶寫回頭
鷗鷺瓢泉社莫吟詩莫拋尊酒是吾盟也千騎而今
遮白髮忘却滄浪亭榭但記得灞陵呵夜我輩從
來文字飲怕壯懷激烈須歌者蟬噪也綠陰夏

三山與客泛西湖

綠漲連雲翠拂空十分風月處著
山翁垂楊影斷岸西東君恩重教

且種芙蓉十里水晶宮有時騎馬去笑兒童
殷勤却謝打頭風船兒住且醉浪花中

小山重

三山作

好雨當春要趁歸耕況而今已是清明小窓
坐地側聽簷聲恨夜來風夜來月夜來雲

花絮飄零鷺燕丁寧怕妨儂湖上閒行天心肯
後費甚心情放霎時陰霎時雨霎時晴

行香

貪數明朝重九不知過了中秋人生有得許多愁只
有黃花如舊萬象亭中帶酒九仙閣上扶頭城鴉
喚我醉歸休細雨
斜風時候晒江

三山被召陳端仁飲餞

長恨復長恨裁作短歌行何
人為我楚舞聽我楚狂聲余

既滋蘭九畹又樹蕙之百畹秋菊更餐英門外滄浪
水可以濯吾纓一杯酒問何似身後名人間萬事

毫髮常重泰山輕悲莫悲生離別樂莫樂新相
識兒女古今情富貴非吾事歸與白鷗盟

水調歌頭

過南澗雙溪樓

舉頭西北浮雲倚天萬里須長劍人
言此地夜深長見斗牛光焰我覺山

高潭空水冷月明星淡待燃犀下看凭闌却怕風雷
怒魚龍慘峽東蒼江對起過危樓欲飛還斂元龍

老矣不妨高卧冰壺涼簟千古興亡百年悲笑一
時登覽問何人又卸片帆沙岸繫斜陽纜

吟龍

南澗雙溪樓

片帆何太急望一點須臾去天咫尺舟人好看客似三峽風濤嵯峨劍戟溪南

溪北正遐想幽人泉石看漁樵指點危樓却羨舞筵歌席歎息山林鐘鼎意倦情遷本無欣戚轉頭陳

迹飛鳥外晚煙碧問誰憐舊日南樓老子最愛月明吹笛到而今樸面黃塵欲歸未得仙鶴

嚴仁南劍雙溪樓

五月人間揮汗雨離恨一襟何處去雙溪樓下碧千尋雙溪樓上匏

尊舉晚涼生綠樹漁燈幾點依洲渚莫狂歌潭空月冷慘慘瘦蛟舞變化往來無定所求劍刻舟應笑

汝只今誰是晉司空斗牛奕奕絃光吐我來空弔古與君同記凭闌語問滄波乘槎此去流到天河否朝歸

歡

題天風海濤

颶風飛上蓬萊不須更跨琴高鯉劃然長嘯天風頡頏雲濤無際我欲乘桴從

茲浮海約任公子辨虹竿千丈
鐸鉤五十親點對連鰲餌誰榜
佳名空翠紫陽仙去騎箕尾銀
鉤鐵畫龍拏鳳峙留人間世更
憶東山哀箏一曲灑沾襟淚到
而今幸有高亭遺愛寓甘棠意
龍吟

王邁送趙伯泳守溫陵

憶昔同時名正青山親提玉
尺量材廊廟當日班行比元

祐北玉西珠照耀一轉首宮商
移調君自烏臺登騎省覺精神
丰采增佳峭數賢者一不肖
酒酣耳熱惟長嘯便翩翩輟班
荷橐一麾閩嶠堪笑狂生無用
處垂老雲耕月釣這富貴非由
人要疇昔評君如玉雪好脩然
琴鶴風塵表清獻後又有趙賀
新

守邵武宴同官

此是河清晏覺朝來薰風滿
入生綃團扇太守愁眉才一展
且喜街頭米

賤也莫管官租難辦遶砌苔錢
無限數更蓮池雨過珠零亂
儘買得凌波面家山樂事真堪
羨記年時

荔支新熟荷簫齊勸底事來尋蕉鹿夢贏得乾忙似
箭笑富貴多如郵傳做了豐年還百姓便蓴鱸歸與

催張翰看卿
等上霄漢前調

覃懷高遊武夷

翠巖插雲表初意隔仙凡臨風據案
一見邂逅似開顏幾欲拏舟九曲便

擬捫參絕頂直下俯塵寰聊此稅吾駕贏得片時閒
問仙人緣底事去不還長風浩浩何許清夢杳難
攀只有蒼煙古木好在清湍白石依舊
畫圖間回首武夷路杳靄沒雲鬟歌水頭調

張堃泉南作

自入閩關形勢山川天開兩邊見長溪
漱玉千鈺倒建高峯潑黛萬馬回旋石

磴盤空天梯架壑驛騎蹢躅鞭不前心無那恰鷓鴣
聲裏又聽啼鴉區區薄宦誰憐道有志從來鐵石
堅但長存一片忠肝義膽何愁半點瘴雨蠻煙盡卷
南溟不供杯杓得遂斯游豈偶然天公意要淋漓醉

墨海外流
傳心園

劉清夫武夷詠梅

亂山深處見寒梅，一朵皎然如雪。
的皪妍姿羞半吐，斜映小窗幽絕。

玉染香腮，凝冷豔容，態天然別故人，雖遠對花誰肯輕折？疑是姑射神仙，幔亭宴罷，迤邐停瑤節。愛

此溪山，供秀潤，飽翫洞天風月。萬石叢中，百花頭上，誰與爭高潔。粗桃俗李，不須連夜催發。嬌奴

趙師俠甫中共樂堂

斜陽留照，有餘紅煙靄，澹冥濛。
麥隴青搖一望，前山翠失雙峯。

高臺徙倚，松飄逸韻，梅減冰容，俯視塵寰如掌。翩然我欲乘風，攜中

邵武熙春臺

塢首遐觀，崇臺徙倚，心目俱寬。一水縈藍羣峯聳翠，天接高寒。平生江北江

南，總未識闌中好。山雨暗，前汀雲生，衣袂身倦，躋攀青柳梢。

羅慶遊武夷

雨晴山潑翠溪淨水拖藍間來共陪杖屨邂逅已成三箇箇清泉白石步步碧

桃翠竹在處恣幽探行到釣臺下怪樹蔭澄潭踏芳洲尋別館履巉巖壺天日月不老雲氣滿東南沽

取一尊濁酒喚取山花溪鳥聽我醉中談異日再過此端為解征驂

歌調

唐仲寔和羅慶遊武夷

武夷最佳處晴氣碧於藍遠瞻巖壑溪曲六六與三三莫

問塵生滄海休歎鶴歸華表好景且容探鐵笛一聲曉黑雨滿澄潭笑神仙留蛻骨閑空巖幾人蹭蹬

不遇太史滯周南最好擅場老子筆底文章如許何必事清談暫憩桃花下白馬稅飛驒

餉

鄭黻武夷慢亭峰

秋半虹橋路是曾孫幾塵夙幸此生奇遇天上人間同宴集仙樂風

飄處處遍紛郁非煙非霧光近玉皇顏咫尺共歡呼鼇抃霞觴舉高會散碧雲暮至今瑞鶴猶能舞幾

千年同亭祠下賽神簫鼓再拜乞靈三酌猶小駐霓旌容與半隱約如傳好語為送維魚來入夢向龍潭

遍灑霏霏雨齊和曲踏歌去趁蟬

何守謙九曲二首

山下清溪溪上渡舟迴九曲皆奇諸峯羅列翠屏圍煙霞今閬苑花

草昔瑤池念念神仙無覓處洞天留在靈祠從教猿鶴笑吾癡還山非不樂未忍負明時

臨江

夢寐武夷仙島上一來欲浣羈愁山靈何事厭人遊白雲封洞口微雨暗溪頭顧我平生非俗客多冠此日清流好將仙籍姓名收他年勲業了準擬卜菟裘


謝前

元章凱武夷短述

過了秋風梅花漸開山人好歸問近來何事半成迂濶半添疎懶半帶愁

痴學劍不成學書無味却要尋仙入武夷這些事莫粗忒煞恐是難為分明說與人知老谷子胃中奇

儘奇有真鑪真鼎盤虎繞真離真坎兔走鳥飛待
辦數椽山中穩坐却向無中生箇兒休輕笑看他華
表鶴有來時秘國



福建通志卷七十八